

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
NOV 1 6 1941

T9299/8/25(23)

列國譜系門四十一

北魏封篇一

宗室王公章

列國譜系門四十二

北魏封篇二

功臣王侯章一

列國譜系門四十三

北魏封篇三

功臣王侯章二

二十三

學海君道部世系類

學海君道部卷之五十九

茅絢編

世系類

五十九

列國譜系

四十

北魏篇

一

通考曰後魏道武皇始元年始封五等至天賜元年減五等之爵始分爲四曰王公侯子除伯男之號皇子及異姓元功上勲者封王皇族及始藩王皆降爲公諸公降爲侯諸侯降爲子於是封王者七十人公者二十二人侯者七十九人子者百有二人王封大郡公封小郡侯封大縣子封小縣其後復加伯男焉孝文太和十八年詔凡王公侯伯子男開國食邑者王食半公三分食一侯伯四分食一子男五分食一舊制諸鎮將刺史假五等爵及有所貢

哈佛大學漢和
圖書館珍藏印

獻而得假爵者皆得世襲延興二年詔革此類不得世襲又舊制凡以勲賜官爵者子孫世襲軍號後改降五等始革之止襲爵而已

宗室王公章

上谷公紇神羅神元曾孫道武稱帝以援立功封

襄城王題紇羅子初賜爵襄城公後進為王擊燕中流矢卒子悉嗣降爵為公卒贈王

建德公嬰文

真定侯陸

並神元後太武時封

武陵王因章帝後從道武平中原以功封曲逆侯太武時進封長樂王壽樂章帝後初封南安王改今封文成嗣位以援立功拜太宰後與尚書令長孫渴侯爭權並伏法

公積昭帝後隨道武平中原封望都侯太武時進爵為公

曲陽侯素延桓帝後道武征討諸部賜爵後以多過賜死

順陽簡王郁桓帝後文成時賜爵順陽公獻文時乙渾專政郁謀殺之為渾所誅獻文錄其忠追加封諡

宜都王晨桓帝後文成時封南平公乙渾謀亂晨與郁謀殺之事晨逃免獻文傳位有定策勲孝文嗣位進今封坐罪伏法

吉陽男比干道武族弟以軍功賜爵後為南道都將戰沒

江夏王呂道武族弟初以軍功封江夏公卒追封王

高涼神武王孤平文之第四子昭成嗣位以推戴功分國半部與之卒子斤失職構定君為逆死道武時以孤勲高追封斤子真樂頻有戰功得嗣祖封明元初改王平陽卒子懿王禮復嗣高涼卒子那嗣

正平初坐事伏法獻文嗣位追那功命子紇紹封卒子大曹嗣孝文時諸王非道武子孫者皆降爵為公大曹改封太原郡公卒燕子國除宣武時又以大曹從兄子洪威嗣孝靖初在潁川附西魏為齊高歡所殺

襄邑子陵禮弟太武賜爵襄邑男進封子卒子壞

華山王鷲壞子孝文末以軍功賜爵晉陽男後附爾朱氏永安初進今封興和二年卒子大器嗣後與元瑾謀殺高洋見害

松滋侯度孤之孫道武初賜爵卒子乙斤嗣爵襄陽侯卒子平嗣世爵以軍功賜艾陵男卒子長孝文時嗣侯例降侯賜艾陵伯卒謚成子子華嗣後與其弟子思俱賜死

艾陵男珍長弟

安定子子思子華弟

上黨武昭王天穆平弟長生之子與爾朱榮結為兄弟為之謀上及莊帝立除太尉封後增封通前三萬戶元顥乘虛陷洛陽莊帝還宮增邑通七萬戶後與榮同時見誅節閔初追謚子儼嗣及齊篡位遂怖而卒

西河公敦平文曾孫太武時賜爵卒子揆嗣

河間宣公興都烈帝曾孫祖謂烈帝之第四子為武衛將軍父烏真為鉅鹿太守興都文成時為河間太守賜爵樂成子獻文初以子丕貴重進爵為侯卒追進今封長子提嗣

東陽平王不興都子太武時賜爵興平子獻文即位為侍中丞相乙渾謀反不以奏聞詔收誅之改封東陽公孝文時進今封後例卒王爵為平陽郡公後詔以平陽畿甸改封新興公坐二子罪免

死為民

新安縣男雋

涇陽男邕

俱丕子並以軍功封

高平烈公大頭烈帝曾孫文成初封淮陵侯卒追進今封

河間敬公齊烈帝玄孫太武時賜爵浮陽侯從征和龍以功進爵為

公後坐事免官爵後為前將軍尅仇池威振羌氏復賜今封長子陵

嗣天安初為乙渾所害

建陽子蘭齊弟孝文初賜爵卒於武川鎮將子志明帝初賜爵建

建忠伯死莫折念生之難

扶風公處真烈帝之後少以壯烈聞位殿中尚書賜爵坐事伏法

文安安公泥魏之踈族也道武厚遇之賜爵卒子屈嗣奏事稱旨賜

爵元城侯坐積過誅子磨渾明元初以勲賜爵長沙公卒

右神元以後子孫封者王九人公七人侯三人子三人男四人

林慮侯勿期昭成曾孫也昭成長子曰寔君以弒逆為符堅所誅孫

勿期道武時賜爵卒子六狀真定侯

秦明王翰昭成第三子建國十五年卒道武時追封

衛王儀翰子道武幸賀蘭部侍從出入登國初賜爵九原公後改

封平原公又徙東平從平中山進今封天賜六年賜死

中山簡王纂儀子大武初封中山公進爵為王

南陽王良纂弟明元追錄儀功封

新蔡昭公幹纂子大武南巡賜爵文成初卒

沛郡簡公禎幹子孝文初賜爵

陰平喜王烈儀弟元紹之逆烈迎立明元以功封卒子求嗣

秦愍王觚儀弟奉使慕容垂遇害追封又封子夔為豫章王以紹觚

常山王遵昭成第五子壽鳩之子道武初有佐命勲賜爵洛陽公及平中山進今封天賜四年坐罪賜死子康王素太武初嗣爵居官五十載文成初卒

暨陽子可悉陵遵長子從太武平涼州殺沮渠茂虔一驍將帝壯之即日拜都幢將賜爵卒弟陪斤嗣坐事國除子昭以諂事權貴歷位尚書卒

陳郡平王玄昭子孝武時封臨淄縣子及從入關進今封卒

城陽宣公忠陪斤弟孝文時賜爵太和四年病卒子盛嗣卒子懋嗣降為侯從孝武入關封北平王卒謚貞

濮陽王順懋次子從孝武入關封卒子偉大統十六年封南安

王周文建六官改淮南縣公入周位大將軍卒

樂平王最盛弟秉之子秉為徐州刺史以譖死後謚莊最以從入關封

魏郡景王毗秉弟益生之子益生少亡毗以定策入關功封時

王者邑止千戶惟毗一邑千五百戶卒子綽嗣

河東公德忠弟封卒於鎮南將軍德子惺卒於光州刺史謚曰恭

濮陽靖懿伯疑惺子孝靖時封

廣川子弼惺弟暉之子暉明帝初歷左僕射卒謚文憲弼以莊

帝舅子壻特封齊天保三年卒諸子與諸元同誅

上谷侯贊德弟孝文初賜爵

馮翊穆王季海贊弟淑之子淑卒於平城鎮將謚曰靖爾朱之難
季海以在外藩得免從孝武入關封病卒子亨初為齊所禁錮轉
入長安周文以功臣子甚禮之大統末嗣父爵尋改封平涼王周
受禪例降為公入隋為衛州刺史卒謚曰宣

陳留桓王虔昭成第六子紇根之子也登國初賜爵陳留公戰沒道
武痛惜之追進王爵封其子悅為朱提王後嗣父封明元時謀逆賜
死悅弟景王崇太武詔令嗣桓王爵卒子建嗣以罪降爵為公卒建
弟嫡子祚嗣

義寧元公暉建曾孫也建子琛琛子翌翌生暉周武帝平關東暉
以功封義寧子隋文帝輔政進爵為公開皇中為魏州刺史卒子
肅嗣

蒲城侯顛虔弟道武時從平中山以功賜爵卒子嶮嗣太武時嶮
有戰功文成初進封隴西公卒謚曰定子琛嗣

毗陵王順昭成第七子地干之子登國初賜爵南安公及道武討中
山留順守京師栢肆之敗軍人有亡歸者言大軍奔散不知帝所在
順聞之欲自立納莫題諫乃止時賀力眷等聚眾作亂於陰館順討
之不克乃徙留宮自白登南入繁峙故城阻灑水為固以寧人心道
武善之進令封坐不敬廢卒於家

遼西公意烈昭成第八子力真之子道武平中原意烈有戰獲勳賜
爵後以謀逆賜死子拔干明元時賜爵武遂子卒謚靈公子受洛嗣
進爵武邑公

彭城公勃意烈弟以勳賜爵卒長子粟嗣以功進爵為王

陽豐公庫汗粟弟渾之子為羽林中郎將武成起景穆廟賜爵
陽豐侯獻文即位復造文成廟拜殿中給事進爵為公

右昭成子孫封者王十四人公八人侯三人伯一人子二人

清河王紹道武子天興六年封後以弒逆伏誅

陽平王熙道武子天興六年封泰恒六年卒長子靖王佗嗣太和十

一年卒世子吐萬早卒子僖王顯嗣卒子康王世遵嗣凡四世

河東侯忻

安康伯均熙曾孫

河南王曜道武子天興六年封

武昌成王提曜長子初嗣父爵改封潁川王又改今封卒長子簡

王平原嗣卒長子和讓次弟悼王鑒嗣卒和嗣凡三世

河間王修道武子天賜四年封卒無子太武詔曜子羯兒嗣改封略

陽王正平中有罪賜死

長樂王處文道武子天賜四年封年十四卒無子

廣平王連道武子天賜四年封卒無子太武以熙第二子安王渾為

南平王以繼連後子纂嗣

京兆王黎道武子天賜四年封卒子吐根嗣改封江陽王卒無子獻

文以南平王霄第二子武烈王繼為嗣坐罪免永安二年卒子義嗣

復徙京兆靈太后時又寵任專政後賜死子舒奔梁子善後歸周賜

爵江陽縣公

右道武子孫封者王八人侯一人伯一人

樂平戾王丕明元子泰常七年封坐事以憂卒子技嗣坐事賜死國

除

樂安王範明元子泰常七年封坐事暴卒子簡王良嗣

永昌莊王健明元子泰常七年封卒子仁嗣坐謀不軌賜死國除

建寧王崇明元子泰常七年封文成時封崇子麗濟南王後謀逆父

子並賜死

新興王俊明元子泰常七年封坐法削爵為公又以罪賜死國除

右明元子孫王者六人

晉王伏羅太武子真君三年封八年卒無子國除

東平王翰太武子真君三年初封秦王後改今封太武殂大臣議立

翰靈太后殺之子道符嗣皇興元年謀反誅

臨淮宣王譚太武子真君三年封燕王後改今封卒子提嗣以罪削

除卒追封長鄉侯諡曰懿子康王昌復封臨淮未拜卒追改封濟南

王子文穆王或嗣復封臨淮侯死爾朱之難無子弟孝友嗣齊初

為公尋被害

廣陽簡王建太武子真君三年封楚王後改封卒子哀王石侯嗣卒

子定王遺興嗣卒無子孝文以石侯弟懿烈王嘉紹封卒子忠武王

深嗣後死葛榮之難子文獻王湛嗣卒子法輪嗣凡六世

南安隱王余太武子真君二年封吳王後改封中常侍宗愛弒太武

而立余尋弒之

右太武子孫王者五人

陽平幽王新成景穆太武之子為太子早卒子太安二年封

廣陵康侯衍新城次子 鉅平公欽新城季子

京兆王推景穆子太安五年封後為僧居嵩山終子昂嗣卒子文王

宗嗣

汝陽王暹昂弟仲景之子莊帝初為南兗州刺史元顥入洛暹據州不屈莊帝還宮封孝靖時卒子冲嗣無子

饒陽男遙太興弟以從孝文南征功封

濟陰惠王小新城景穆子和平二年封卒諡惠公子鬱嗣以黷貨賜死國除弟偃之子靜王誕嗣卒子撫嗣莊帝初小新城長子弼之子繼業訴奪撫爵暉業得嗣齊初降封美陽公

汝陰靈王天賜景穆子和平三年封

東燕男汎天賜次子

安昌平王均汎弟修義之子也從孝武入關封卒子則嗣入周為總管卒子文都

始平簡公矩

順陽公雅

河間公褒

樂良厲王萬壽景穆子和平三年封以罪憂卒子康王樂平嗣卒子長命嗣罪除子忠莊帝復封凡四世

廣平殤王洛侯景穆子和平三年封無子以陽平幽王第五子文貞王匡嗣卒追改封濟南王子獻嗣齊初例降

任城康王雲景穆子和平五年封太和五年卒長子文宣王澄嗣神龜二年卒子文王燹嗣卒子度世嗣齊初例降

東阿文烈公順澄長子靈太后時封莊帝時死河陰之難

華山王紀順弟

高平剛侯嵩澄弟從孝文南伐嵩勇冠三軍孝文大悅而言曰任

城康王大有福德文武出其門以功賜爵高平縣侯後爲蒼頭所害子世雋嗣

南安惠王禎景穆子皇興二年封食邑千戶太和二十年卒追奪

中山獻武王英禎子從孝文南伐以功賜爵廣武伯宣武初進封

恒山侯尋以破梁師功進今封食邑一千戶後增封一千戶永平

三年卒子文莊王熙嗣起兵討劉騰元又不克被誅幼子叔仁孝

昌初嗣後死河陰之難子琳嗣齊初例降凡四世

都昌恭伯誘熙弟爲元乂所誅後追封謚子始 嗣齊初例降

東平文貞王略熙弟熙敗略奔梁封中山王孝莊徵還封義陽

王尋改今封後死河陰子景式嗣齊初例降

高唐侯纂略弟坐熙舉兵俱死追封北平縣公尋改今封食邑

八百戶子獻嗣

武邑王義興熙異母弟孝莊初死河陰之難妻李氏與爾朱榮

親昵永安中追封燕郡王邑五百戶尋改封鉅鹿又改今封子述

嗣齊初例降

魯郡王肅英弟怡之子怡卒莊帝初以爾朱榮婦兄贈扶風王

肅封魯郡王邑千戶永熙二年卒子道興嗣齊初例除

長廣王曄肅弟封爾朱兆以晉陽反立之爲主又廢之

城陽康王長壽景穆子皇興二年封延興五年卒長子多侯早卒次

子懷王鸞嗣正始二年卒子文獻王徽嗣後死爾朱之難子延嗣齊

初禪例降凡四世

平陽子顯恭徽次兄以軍功封後死爾朱之難子彥昭出帝初嗣

齊初例降

襄城郡王旭顯恭弟莊帝時封邑千戶齊初例降

章武敬王太洛景穆子皇興二年卒追封無子孝文以南安惠王第一子彬嗣太和二十三年卒子莊武王融嗣葛榮之亂戰沒子景哲

嗣齊初例降凡四世

安定王朗景哲弟封高歡立為帝又廢殺之以子黃頭嗣封改安平齊初例降

東安王凝融弟其姑爾朱榮妻也莊帝初封永熙二年卒子彥友嗣齊初例降

漁陽王湛凝弟莊帝初遇害河陰追封邑五百戶子俊嗣齊初例降

樂陵康王胡兒景穆子和平四年卒追封無子明元以汝陰王天賜

之弟二子密王思譽嗣正始四年卒子惠王景略嗣熙平元年卒子

霸嗣齊初例降凡四世

安定靖王休景穆子皇興二年封太和中增食邑至二千戶十年

卒長子安早卒次子燮嗣永昌四年卒子超嗣莊帝初以胡國珍

封安定改封北平王死爾朱之難子孝景嗣齊初例降凡四世

南郡王長春燮弟願平之孫願平為員外常侍孝昌中卒子緒討

吐谷渾戰沒長春以武定初封邑五百戶齊初例降

東萊王貴平燮幼弟莊帝初封邑百戶

右景穆子孫王者三十四人公五人侯三人伯一人子二人男一人

空編厲王長樂文成子皇興四年封後改今封謀逆賜死子武康王

詮嗣卒子鑿嗣謀反伏誅

潁川王斌之鑿弟鑿敗奔葛榮榮滅得還出帝時封後奔梁復還廣川莊王略文成子延興二年封太和四年卒子剛王諧嗣十九年卒子悼王靈道嗣凡三世

齊郡順王簡文成子太和五年封二十三年卒子敬王祐嗣

河間孝王若文成子年十六卒追封以齊郡王子琛嗣

安豐匡王猛文成子太和五年封卒子文宣王延明嗣後附元顥顥敗奔梁卒

右文成子孫王者六人

咸陽王禧獻文子太和九年封後孝文詔以禧兄弟之重食邑二千戶自餘五王皆食邑二千戶景明二年謀反賜死子翼求葬其父不許乃奔梁封咸陽王翼弟樹曄同奔梁梁封樹鄴王曄桑乾王出帝初討禽之賜死

敷城王坦禧子正光初詔嗣父爵尋改敷城後復本封齊初例降太原王袒坦弟初賜爵琅邪縣公邑五百戶莊帝初特封天平二年卒子善慧嗣齊初例降

趙郡靈王幹獻文子太和九年封河南王孝文遷洛改今封二十三年卒子貞景王謚嗣正光四年卒子宣恭王毓嗣莊帝初河陰遇害無子以謚弟讞子寘嗣尋改封平昌而以靈王長子魏郡王某復封趙郡孝靖初卒謚孝懿子煒嗣齊初例降

平昌王寘謚弟讞子以趙郡改封齊初例降

平鄉男讞謚弟莊帝初封邑三百戶河陰遇害

廣陵惠王羽獻文子太和九年封邑二千戶孝文南伐以留守功增邑五百戶正光初卒子恭嗣後立為帝是為節閔帝兄容王欣以淮陽王嗣廣陵封隨孝武入關

高密王永業欣弟普泰元年特封食邑二千戶齊例降

高陽文穆王雍獻文子太和九年封潁川王久之改今封五等開建食邑二千戶靈太后增邑一千戶孝莊初於河陰遇害嫡子文孝王泰與雍同時遇害追封益子斌嗣齊初例降為高陽公後賜死

濟北王叡泰弟封同雍遇害子微普通中嗣武定五年謀反伏法昌樂文獻王誕叡弟初封新陽伯食邑三百戶後進今封食邑七百戶天平三年卒無子以斌第二子子亮嗣

陽平伯勒義 濮陽伯亘 武陽伯伏隨 新陽伯彌陀

頓丘伯僧育

衛縣伯居羅

以上六伯俱雍子封僧育走關西國除其餘齊初例降

彭城武宣王勰獻文子太和九年封始平王開建五等食邑三千戶孝文初改今封太和末為高肇等所譖賜死子紹嗣莊帝初遇害河陰子韶嗣齊初降爵為公尋遇害

總第三子子攸立為孝莊帝

北海平王詳獻文子太和九年封後為高肇所譖坐貪淫賜死子顥嗣爾朱榮立莊帝顥奔梁自立為帝遂入洛三月而敗東海王頊顥弟莊帝初封顥敗被誅

右獻文子孫王者十二人伯六人男一人

京兆王愉孝文子太和二十一年封宣武時據信都稱帝敗誅子寶炬是為西魏文帝

清河文獻王懌孝文子太和二十一年封正光元年為父所害神龜三年追改范陽復改河間子亶嗣亶子善見是為孝靖帝

廣平文穆王懷孝文子太和二十一年封孝明初卒長子誨孝昌初封范陽王第三子脩是為孝武帝

汝南文宣王悅孝文子景明四年封爾朱之亂奔梁梁立為魏王北還遇害

右孝文子王者四人

卮言曰魏自宣武傳孝明孝明無嗣孝莊以後爾朱高字倓立倓廢卒以篡弒而拓跋之子孫微矣方其盛也列爵分封連枝奕葉及其衰也求一脉之延而不可得也周漢之末且然况霸朝哉

學海君道部卷之五十九 終

學海君道部卷之六十

世系類

列國譜系 四十一

北魏篇二

功臣王侯章一

定襄侯衛操代人少通俠有才略晉征北將軍衛瓘以操為牙門將數使於魏頗自附結後與從子雄及其宗室鄉親姬澹等十數人同來歸說桓穆二帝招納晉人於是附者稍衆桓帝嘉之以為輔相反

劉淵石勒之亂勸桓帝匡助晉朝司馬騰表為右將軍封穆帝三年

卒 桓帝拓跋猗隨穆帝猗盧也後追為帝今以本史敘功封故從其號

雲中侯衛雄操從之與姬澹俱隨操入魏桓帝壯其勇並以為將常

隨征伐大著威名桓帝之助晉也表為將軍以戰功封六修之逆叛
歸晉為石勒所滅樓煩侯姬澹封侯敗滅與衛雄同

安樂亭侯衛慤

都亭侯衛崇衛清

都亭侯衛沈段繁

都亭侯王發賈循

廣武亭侯范班

上洛亭侯賈慶

關中侯李壹

關內侯郭乳

以上十一侯皆衛操所與宗室鄉親歸魏者並桓帝所表封六
修之難存者多隨劉琨任子遵南奔

右道武以前封

北平宣王長孫嵩代人父仁昭成時為南部大人嵩寬雅有器度年

十四代父統軍昭成末年諸部乖亂符堅使劉庫仁攝國事嵩與元
他等率部眾歸之後歸道武於三漢亭道武嗣位復以為南部大人
累著軍功賜爵鉅鹿公歷侍中司徒相州刺史封南平公明元時與
奚斤等聽理重幾故世號八公明元寢疾嵩定策立太武太武嗣位
進今封為司州中正卒年八十子安王頽嗣位侍中征南大將軍有
罪黜為戍兵後復爵卒子簡王敦嗣位北鎮都將坐贖貨降為公孝
文時自領先世勲重復其王爵卒子道嗣王爵父之隨例降為公位
右衛將軍卒謚愼子悅嗣建義初復本王爵尋降為公位光祿少卿
卒

上黨靖王長孫道生嵩從子忠厚廉謹道武愛之使掌機密與賀毗
等四人內侍左右出入詔命明元時出為冀州刺史大武嗣位賜爵

汝陰公從平赫連昌除司空加侍中進今封卒年八十一子抗位少
卿早卒抗子定王觀嗣時異姓諸王襲爵多降為公大武以道生佐
命先朝故特不降文成初拜殿中尚書侍中後為征南將軍卒子稚
六歲嗣爵降為公獻文時累遷平西鎮東將軍頻戰有功復本爵平
蕭寶寅于雍州為雍州刺史莊帝初改王馮翊後降為郡公遷司徒
公加侍中前廢帝立進太尉公錄尚書事出帝初轉太傅

槐里縣子長孫子彥稚子有膂力以從父征討功封出帝時為行
臺僕射

琅邪武公長孫肥代人昭成時年十三以選內侍少有雅度果毅少
言道武之在獨孤及賀蘭部肥常侍從禦侮左右道武深信仗之登
國初與莫題等俱為大將從征劉顥擊庫莫奚討賀蘭部並有戰功
從征蠕蠕劉備辰及薛于部破滅之從征中山圍其城肥功為最中
山平以功封賜爵遷衛尉卿改爵盧鄉為兗州刺史鎮合肥南平中
原西摧強寇肥功居多後降爵為藍田侯天賜五年卒

平陽威王長孫翰肥子初嗣侯爵明元時為平北將軍拒擊蠕蠕
有功進爵為公大武嗣位進今封遷司徒神麌三年卒子平成嗣
降爵為公累遷南部尚書卒子渾嗣為彭城鎮將太和中卒子盛
嗣

長進縣子長孫受興肥次子大武時從征平涼以功賜爵除河間
太守卒子安都嗣孝文時為典馬令

吳郡恭王長孫陳肥第三子大武時為羽林郎以征賊有功賜爵
五等男又從征涼州為都將進爵為子為北鎮東將陳性寬厚好

學愛士所歷輒爲人追思之獻文嗣位進爵吳郡公加安東將軍
興光二年卒追進爵爲王子頭嗣天安初卒子拔嗣

睢陽縣子長孫蘭肥幼子大武時爲中散常從征伐後以破平涼
功賜爵累遷豫州刺史卒子烏孤嗣

臨淮簡公長孫石洛肥弟亦干之子亦干爲廣平太守卒石洛初
爲羽林郎稍遷散騎常侍從征赫連昌爲都將以功拜樂部尚書
賜爵神麤中卒

南康公長孫真石洛子少以父任爲中散征平涼以功賜爵臨
城子父卒嗣父爵降爲臨淮侯累遷散騎常侍從征南宋至江
進今爵卒于軍子吳兒嗣獻文初爲武川鎮將太和初卒子長
樂嗣坐事爵除後歷羽林監子榮族武定中征西將軍繁昌男

宜都丁公穆崇代人其先世效節於神元桓穆之時崇機捷便辟少
以盜竊爲事道武之居獨孤部崇常往來奉給時人無及者劉顯謀
逆梁眷知之遣崇告道武道武如賀蘭部崇甚見寵待道武立爲魏
王拜崇征虜將軍從平中原賜爵歷陽公後遷太尉加侍中徙安邑
又徙宜都天賜三年卒

零陵侯穆遂留崇長子歷顯官討蠕蠕有功賜爵後以罪廢

富城靜公穆乙九遂留子內行長者以功賜爵累遷侍中卒

馮翊侯穆泰乙九子真之子貞起家中散拜侍中卒謚曰宣泰

以功臣子孫尚章武長公主拜附馬都尉賜爵馮翊侯遷散騎
常侍進爵爲公出爲洛州刺史例降爲侯尋徵爲尚書右僕射
又出爲定州刺史改封馮翊縣開國侯食邑五百戶後與陸獻

謀逆伏誅

頓丘郡匡公穆亮崇子獻文時起家中散尚中山長公主拜附馬

都尉封趙郡王加侍中征南大將軍徙封長樂王孝文時遷司空

例降爵為公孝文南遷以亮錄尚書事及亮兄熙以穆泰反事坐

誅徙封頓丘郡開國公食邑五百戶以紹崇爵莊帝嗣位遷定州

刺史尚書令俄轉司空公景明三年卒子文獻公壽嗣尚琅邪長

公主拜附馬都尉歷拜尚書令司空公進爵為王未幾降復本爵

普泰元年卒子長嵩嗣歷光祿少卿興和中卒

上洛公穆相國壽次子官至安東將軍賜爵

張掖公穆應國壽三子官至征西將軍賜爵

新平縣子穆安國壽子以右衛將軍賜爵新平子為乙渾所殺

濮陽公穆伏真獻文時稍遷尚書賜爵任城侯出為兗州刺史假

寧東將軍進今爵

長寧縣子穆多侯歷位殿中給事左將軍賜爵長寧子遷司衛監

後為乙渾所害謚曰烈子胡兒嗣

西海王穆翰亮族為平原鎮將封太子龍仁嗣降為公卒子豐國

嗣

建安康王穆顛翰弟忠謹有材力明元時為中散騎轉侍御郎從

大武征赫連昌賜爵泥陽子從征和龍功進爵長樂侯從西征白

龍北討蠕蠕以功進爵建安公累遷征西大將軍天安元年卒追

進王爵子寄生嗣

安南公穆粟守生弟為涼州鎮將賜爵

鉅鹿公穆泥乾粟弟爲羽林中郎將賜爵臨安男後稍歷顯職除冀州刺史進今爵卒子湮嗣

陽陵侯穆莫提崇宗人父醜率部歸附與崇同心戮力以軍功拜天部大人卒莫提從平中原爲相州刺史假陽陵侯卒

富平縣子穆敦莫提孫父吐爲侍中鎮東將軍卒敦爲西部都將賜爵卒子純嗣累遷河州刺史卒子盛嗣凡三世

高唐縣男穆子琳純弟鏞之孫鏞爲并州刺史卒謚曰安子顯業爲散騎侍郎卒子琳舉秀才爲安戎令出隨長孫稚征蜀有功除郎中出帝嗣位以攝儀曹事封高唐縣開國男邑二百戶孝靜初歷司州別駕以占奪民田削官爵久之高歡表爲丞相司馬復其前封卒

丹陽襄王叔孫建代人父骨爲昭成母王太后所養與皇子同列建少以智勇著稱道武之在賀蘭部建常從左右登國初以建爲外朝大夫與安同等十三人迭典庶事參軍國之謀隨秦王觚使燕歷六載乃還拜後將軍賜爵安平公後以公事免明元嗣位假建前號安平公督師拒宋師於滑臺拜徐州刺史以功賜爵壽光侯大武嗣位以建威名南震爲宋主所憚除平原鎮大將進今封在鎮十餘年大延三年卒年七十三次子隣嗣降爵爲公歷尚書令鎮西將軍與奚牧並以罪相糾發坐誅

安城孝元王叔孫俊建長子少聰敏年十五內侍右右性謹密以便弓馬轉爲獵郎道武殂清河王紹閉宮門明元在外紹歸明元以爲瓜牙明元立遷衛將軍賜爵安成公朱提王悅謀逆俊手刃

之泰始元年卒追進王爵子蒲嗣

定陵公和跋代人世領部落爲國附臣跋以才辯知名道武擢爲外朝入參軍國大謀賜爵日南公從平中原以功進爲尚書鎮鄴擊慕容德大破之改今封出爲平原太守以奢淫坐誅

高陽侯和歸跋少子從大武征赫連昌有功拜統萬將軍賜爵成臯男與安頡攻虎牢拔之進今爵後以罪徙配涼州爲民蓋吳之亂復以歸爲龍驤將軍使討之還拜雍城鎮都大將軍復爵卒子庶嗣歷昌平太守卒子延穆早卒 凡三世

任城公奚牧代人重厚有智謀道武寵遇之稱之曰仲兄初劉顯謀逆梁眷知其謀潛使牧與穆崇告之以功拜爲治民長參與計謀從征慕容寶獲丹陽王買得等以功拜并州刺史賜爵後坐事誅

高邑公莫題代人多智有才用初爲幢將領禁兵道武征慕容寶以安京師功拜平遠將軍賜爵扶梁公進號左將軍改高邑出除中山太守天賜五年坐與窟咄通誅

西昌公庾岳代人其父及兄和辰世典畜牧稍轉中部大人道武有恨於和辰岳獨恭慎修謹善處危難之間道武善之與王建等俱爲外朝大人參預軍國從平中原拜安遠將軍以擒斬叛胡功賜爵累遷司空岳兄子路有罪諸父兄弟悉誅牧赦岳父子天賜四年詔賜岳舍地於南宮岳將家僮治之侯官告岳奢僭道武時既不豫多所倩惡遂誅之時人咸冤惜焉後大武討赫連氏經其墓宅愴然動容遂下詔立廟致祭求其子孫任爲將帥者得其子陵從征有功聽嗣

爵

列國譜系 卷四十一
高平公庾路岳兄子初從征慕容寶爲城門校尉遷司隸校尉賜爵誅

真定公王建廣甯人祖姑爲平文后生昭成帝建少尚公主登國初爲外朝大夫與和跋等參與計謀從征伐諸國破二十餘部又從征劉衛辰破之爲中部大人從破慕容寶於參合陂遂圍中山中山平賜爵濮陽公又討烏丸平之遷太僕改真定加散騎常侍冀青刺史卒

淮南公王斤建子初建兄豆居以建功賜爵卽丘侯無子建以斤嗣兄爵明元初給事中任職用事轉大長秋大武征赫連昌遣斤部造攻具進今爵假節鎮西將軍鎮長安坐罪誅

濟陽莊公主王度建孫明元時爲虎牢鎮監軍大武嗣位累遷尚書從征赫連昌討蠕蠕並有功賜爵後出鎮長安爲武州都督開府卒子安都嗣降爲侯高文時爲內都大官卒子買得嗣

歷陽侯王樹世習孫以善射有寵於大武爲內侍長稍遷尚書賜爵累遷涇州刺史卒

鉅鹿公劉潔長樂信都人祖父生頗解卜筮昭成時慕容氏來獻女爲公主家臣仍隨入朝賜以妻生子父提道武時官至樂陵太守賜爵信都男卒潔爲人彊力多智數有功進爵會稽公明元時選侍東宮大武嗣位以告反者又獻直言所在合旨超遷尚書令改爲鉅鹿公後以罪誅夷三族

弘農昭王奚斤代人世典馬牧父簞有寵于昭成劉庫人領國部西奔衛辰及道武滅衛辰簞晚乃得歸故名位後于舊臣斤機敏有識

度登國初與長孫肥等俱統禁兵後以斤爲侍郎親近左右皇始初從征中原討平羣盜又從征高車諸部大破之又破庫狄宥連部進擊侯莫陳部出爲晉兵將軍幽州刺史賜爵山陽侯明元嗣位詔以斤世忠孝贈其父箠爲長寧子明元西巡以斤行左丞相追討蠕蠕破之拜天部大人進爵爲公大破宋兵于虎牢遂平兗豫諸郡大武嗣位進爵宜城王從征平涼軍敗爲赫連定所擒後大武克平涼斤得歸免爲庶人尋拜安東將軍降爵爲公太延初進今封加萬騎大將軍從平涼州賜僮隸七十戶真君九年卒年八十長子他觀嗣爵大武曰斤關西之敗國有常刑以其佐命先朝故復其爵秩將收孟明之效今斤終其天年君臣之分全矣於是降他觀爵爲公除廣平太守爲都將卒于軍子延嗣出爲瓦城鎮將卒子緒嗣歷加三將軍開建五等封弘農郡開國侯食邑三百戶後例降爲縣封澄城縣開國侯增邑九百戶卒子遵嗣卒謚曰哀侯無子國除獻文繼絕世詔以緒弟子鑒紹封

宜陽侯奚和觀他觀弟道武時內侍右左明元以其世典戎御遂拜典御都尉賜爵廣興子建威將軍尋進今爵歷冀青刺史卒子

冀州嗣

成都侯奚受真初爲中散大武嗣位拜龍驤將軍賜爵遷給事中出爲離石鎮將

樂陵公奚拔和觀弟明元時內侍左右大武初稍遷侍中賜爵後以罪徙邊徵爲散騎常侍從征蠕蠕戰沒子買奴有寵於獻文官至神部長與萬安國不平安國矯詔殺之孝文賜安國死追贈買

奴新興公

城陽公奚烏侯斤弟護軍普回之子大武時拜建義將軍賜爵夷
餘侯並從征蠕蠕及赫連昌以功進今爵加員外散騎常侍出爲
虎牢鎮將興光中卒

富城侯奚雙烏侯子大武時親侍左右隨從征討後以罪徙龍城
尋徵爲知臣監出爲鎮將假鎮遠將軍賜爵擊高車破之延興中
卒

高陽恭惠王安同遼東胡人其先祖曰世高漢時以安息王侍子入
洛歷魏至晉避亂遼東遂家焉父屈事慕容暉爲殿中郎將符堅滅
暉屈友人公孫眷之妹沒入符氏官出賜劉庫仁爲妻庫仁貴寵之
同因隨眷商販見道武有濟世之才遂留奉侍登國初同頻使稱旨
以爲外朝大人與和跋等出入禁中迭典庶事加廣武將軍從征姚
與以謀功賜爵北新侯大武監國以同爲左輔大武嗣位進爵高陽
公爲冀州刺史神麤三年卒追進王爵

北新子安陽烈同子屈之子屈以罪除陽烈爲散騎侍郎賜爵
河間公安原同子性矜嚴沉勇多智略明元時爲獵郎出監雲中
軍事以破蠕蠕功賜爵武原侯大武初又以從征蠕蠕功進今爵
加侍中征南大將軍後以謀逆伏誅

廣宗侯安蔭同子爲龍驤將軍給事黃門侍郎賜爵

西平襄王安頡同子辨慧多策略最有父風明元初爲內侍長奚
斤自長安追擊赫連昌至于安定頡爲監軍侍御史斤深壘自固
頡決策出戰擒昌送京師大武大悅拜建節將軍賜爵西平公鎮

蒲坂敗宋將到彥之于河南遂拔洛陽進攻虎牢平滑臺振旅而還神麌四年卒追進王爵

北平侯安國同弟賸之子曙明元時爲樂陵太守卒國位至冠軍將軍賜爵

清河子安難同弟有巧思參征南軍事以功爲清河太守大武時從駕南征造浮橋于河以功賜爵卒

廣陵恭王樓伏連代人世爲首帥伏連忠厚有器量年十三襲父位領部落道武初從破蘭賀部又從平中山爲太守斬逆賊張翹從征姚平于柴壁以功賜爵安邑侯大武初進爵廣陵公遷光祿勳大武征蠕蠕伏連留鎮京師進爵爲王後爲鎮西大將軍出鎮統萬真君十年卒子真嗣降爵爲公從大武征伐有功官至散騎常侍尚書徒爲湘東公卒謚莊公子干嗣降爵爲侯

永平康侯樓大拔伏連第三子歷尚書散騎常侍征西將軍賜爵獻文初爲中都大官卒

陽平定公樓安文伏連兄孫從征平涼有功賜爵霸城男後遷三郎幢將卒獻文初以子毅貴追進今爵

常山公樓毅安文子位內行長稍遷殿中尚書散騎常侍賜今爵以擒反賊梁衆保加侍中後例降爲侯出爲定州刺史遷涼都督太和二十一年卒

武原侯來初真代人從道武避難叱侯山參創業之功官至後將軍賜爵

廬陵莊公來大千初真子驍果善騎射爲騎都尉永興初嗣父爵

遷中散至殿中給事大武嗣位與盧曾元等七人俱爲常侍從討赫連昌及蠕蠕戰功居多遷征北大將軍賜爵後吐京胡反大千爲都將討平之尋卒子丘頽嗣爵降爲晉興侯從征江南累遷右將軍皇興四年卒贈陳留公謚曰簡子篔嗣

濮陽侯來提大千次子官至兗州刺史濮陽侯大和十年卒

聊城悼侯薛達頭代人自姚萇時率部落歸魏道武賜爵待以客禮卒

河東簡公薛野豬達頭子少失父母養於宗人利家及長好學善射文成初召補羽林遷給事典民籍事號爲稱職賜爵順陽子野豬少孤父侯不襲至是錫爵和平中爲并州刺史進爵河東公平謚曰簡子彪子嗣累遷徐州刺史卒謚曰文長子世遵嗣例降爲侯歷左將軍卒子忱嗣

永安侯薛曰雲尚世遵弟初辟御史歷行南陽平郡事爲梁所執後乞歸歷吏部尚書賜爵永安侯

清河侯崔頤清河東武城人魏中尉琰之六世孫也高祖諒晉中書令曾祖遇仕石氏爲特進祖瑜黃門郎父逞仕慕容暉爲黃門侍郎暉滅仕符堅堅敗仕晉皆爲太守爲翟遼所虜以爲中書令慕容垂滅翟釗以爲秘書監及慕容麟立逞攜妻子歸魏張袞先稱美之由是道武禮遇甚厚拜尚書累遷御史中丞從攻中山坐悖慢賜死頤位散騎常侍賜爵大武時歷位大鴻臚太平真君初卒始崔浩與頤爲婚姻浩恃其家世魏晉公卿常侮頤故浩誅家獲免頤少子獻以交通境外伏誅自逞之死至獻之誅三世積五十餘年在北一門盡

矣

武城男崔模琰兄霸之後也父遵慕容垂少府卿模仕宋為滎陽太守神麤中平滑臺歸降後賜爵

臨淄子崔表利模兄協之子為宋魯郡太守太平真君末以郡降賜爵拜廣寧太守卒

屈蛇貞侯羅結代人其先世領部落為魏附巨劉顯之逆結從道武至質蘭部後以功賜爵大武初累遷侍中年一百二十卒

帶方靜公羅斤結子從大武討赫連昌力戰有功歷位四部尚書從中涼州以功賜爵為柔玄鎮都大將卒子敢嗣位庫部尚書卒

子伊利嗣

東阿敬侯高湖渤海蓀人漢太傅哀之後祖慶為慕容垂司空父泰吏部尚書湖少機敏有器度少歷顯職為散騎常侍慕容寶立為燕郡太守寶兄弟交爭湖見其衰亂遂率戶三千來歸道武賜爵大武時除涼州鎮都大將鎮姑臧卒年七十第三子謚為蘭臺御史延興二年卒大昌初追贈太尉公謚武貞長子樹生歷位大都督孝昌二年卒大昌初追贈渤海王謚文穆長子歡即齊獻武也

趙郡公高琛樹生弟天平中為開府御史中尉南趙郡開國公子獻嗣武定末太子庶子

清河公高嶽樹生弟翻之子翻亦以器度知名卒於侍御中散元象中贈太傅太尉公謚孝宣嶽武定末歷位侍中太傅公清

河郡開國公

陽川縣

公高永樂

傳失其系

興和中歷濟州刺史封

安陵縣男高弼永弟武定中歷營州刺史封

安喜縣男高歸彥武定末歷徐州刺史封

汶陽縣男高顯國謚弟各拔之孫武定末撫軍將軍封

廣平郡公高盛各拔少子天平中侍中太尉公封

上洛男高思宗謚弟稚之曾孫武定末歷兗州刺史封

涇縣惠侯高恒湖弟初為慕容垂鉅鹿太守道武時率郡降賜爵加

龍驤將軍仍守鉅鹿卒子壯侯道嗣遷相州刺史卒子幹嗣後例降

為伯累遷汾州長史大昌初卒贈司空公謚孝穆子侃嗣除南秦州

刺史卒謚曰宣子紹嗣興和初為滄州刺史

襄城縣公高騰侃弟為安東將軍光州刺史封

平原郡公高隆之騰弟武定末太保尚書令封

高陽文公許謙代人少有文才善天文圖讖之學建國時將家歸附

昭成嘉之擢為代王郎中令兼掌文記登國初歸于道武以為右司

馬與張袞等參贊初慕容垂來侵道武使嫌告難于姚興遣將

赴援及聞垂死謙上書勸進道武善之并州平以謙為陽曲護軍賜

爵平舒侯皇始元年卒追進公爵子洛陽嗣侯爵為鴈門太守洛陽

家田三生嘉禾大武善之進爵北地公出為明壘鎮將居八年卒謚

曰恭子寄生嗣爵降為侯皇興元年

東安烈侯許安都洛陽弟為廣寧太守加楊威將軍賜爵東光子

天安初卒追進侯爵子白虎嗣為侍御中散後以罪免官奪爵

臨渭文康侯張袞上谷沮陽人祖翼遼東太守父卓昌黎太守袞初

為郡五官掾好學有文才道武為代王選為左長史從征蠕蠕當參

大謀道武器之禮遇復厚從破劉顯又從破賀訥又從破慕容垂進克中山皆策也功拜幽州刺史賜爵天興初徵還京師以失旨出爲尚書令史永興二年卒年七十二大武追錄舊勳贈太保謚曰文康公次子康侯度嗣歷中都大官卒子陵嗣後爲赤城都將卒子狀嗣爲中散卒子法嗣太和中例降爲伯歷金城戍將

容城子張誕衮孫有學性尚雅直初與高允同時被徵後除中書侍郎通直散騎常侍賜爵

永康侯張延陵弟爲散騎常侍庫部尚書賜爵

廣平簡公張白澤延弟孫年十一以孝聞大武聞而嘉之長而好學通敏獻文初遷給事中參預機密累遷殿中尚書太和五年卒追賜爵

宜陽侯庫白澤弟爲瀛州刺史賜爵

兵謀軍

上谷公張修庫次子爲給事中賜爵遷燕州刺史

沮陽侯張太袞幼子爲平西將軍荊州刺史賜爵

白馬文貞公崔玄伯清河東武城人魏司空林六世孫也祖悅仕石

虎官至司徒左長史關內侯父潛仕慕容暉爲黃門侍郎玄伯少有

雋才號冀州神童符容牧冀州以爲記室符堅聞而寄之徵爲太子

舍人堅亡避難于齊魯之間後仕慕容垂爲高陽內史道武征慕容

寶次子中山玄伯葉郡東走海濱道武素聞其名遣騎追獲與語悅

之以爲黃門侍郎與張袞對總機要草創制度遷吏部尚書賜爵白

馬侯與舊功臣庾岳奚斤等同班而信寵過之明元時決策平胡寇

拜天部大人進爵爲公太常三年卒子浩嗣

陽武侯崔恬玄伯第三子歷給事中賜爵繹幕子出爲平南將軍
豫州刺史進今爵坐浩誅

濟南元公崔徽玄伯弟少有文才初徵相州別駕中書侍郎稍遷
祕書監賜爵貝丘侯大武時歷平西將軍進今爵眞君四年卒

襄武侯賀狄干代人家本小族世忠厚爲將以平當稱稍遷北部大
人登國初與長孫嵩爲對明于聽察道武遣狄干結婚于姚萇後爲
姚興所留幽閉長安道武普封功臣遙賜今爵後遣還道武見其衣
服言語有類羗俗以爲慕習焉故忿而殺之

順陽侯周干代人道武時以功賜爵坐事死子幾少以善騎射爲獵
道武嗣位爲殿中侍御史掌宿衛禁兵斷決稱職遷左民尚書泰常
中以討叛胡拒宋師功賜爵交距侯大武時進號宋兵將軍攻宋陝

成平于軍追進爵爲公謚曰桓子步嗣卒子安國嗣太和中討蠕蠕
失利伏法爵除

成紀侯張千秋西河人爲慕容永驍騎將軍永敗來奔道武善之拜
建節將軍賜爵隨從征伐累著功績登國末卒子濟涉獵書傳清辨
美儀容道武愛之引侍左右嗣父爵歷拜勝兵將軍天賜五年卒子
多羅嗣坐事除

東宛侯莫題鴈門繁峙人祖含家世貨殖貲累巨萬劉琨爲并州辟
含從事含居近塞下常往來代中穆帝愛其才器善待之及爲代王
求含于琨琨卽遣焉常參軍謀卒于左將軍關中侯其故宅在桑乾
川南世稱莫含壁或音訛謂之莫回城云子顯知于時昭成世爲左
常侍題父也題亦有策謀道武時爲大將以討斬劉亢渥功賜爵後

坐罪出為濟陽太守徵令監築造以父待頗怠賜死

安定敬公莫雲題弟好學善射道武時常典選曹轉給事中以功賜

爵安德侯大武之克赫連昌詔雲與常山王素留鎮統萬進今爵遷

鎮西大將軍神麈中卒

東州侯尉古真代人道武之在賀蘭部賀染干遣人謀逆古真知之

密以馳告道武乃免登國初從征庫莫奚及叱突隣並有功又從救

賀蘭破衛辰復擊慕容寶于參合陂又從平中原以功賜爵恭常三

年除定州刺史卒子億萬嗣卒子盛嗣

遼西公尉諾古真弟少侍道武以忠謹著稱從圍中山以功賜爵安

樂子從討姚平還拜國部大人明元初為幽州刺史進爵為侯從長

孫道生討馮跋進爵武陵公大武時改邑遼西兄弟並為方伯當世

榮之延和中卒第八子觀嗣子嶠

源陽莊王尉眷諾長子忠謹有父風明元時執事左右為大官令

遷司衛監大武初與劉庫仁等分典四部綰奏機要賜爵山桑侯

從征蠕蠕破之又從征赫連昌擒以功加散騎常侍進爵源陽公

又以討滅禿髮保周功加涼州都督拜侍中太尉進爵為王和平

四年卒子多侯嗣王獻文時為假節鎮西將軍大和元年為妻元

氏所害子建嗣歷位給事中卒無子建弟那嗣卒子範嗣

燕郡惠公尉地干眷弟機悟有才藝馳馬立射五的明元時為左

機令大武少而善之嗣位擢散騎常侍甚見親愛參軍大謀卒

追賜爵謚

會稽公尉長壽地干子幼拜散騎常侍遷殿中右曹正

南宋至江賜爵除涇州刺史和平五年卒子穉貞嗣卒無子弟
狀德嗣

晉陽侯尉力斤地干弟亦以忠謹聞歷并州刺史有政績加冠
軍將軍賜爵卒

安樂侯尉馬陳力斤弟位尚書賜爵

長平侯晁暉遼東襄平人家世史官暉叔父崇善天文術數為慕容
垂太史郎道武平燕獲崇愛其伎術拜太史令暉在道武時給事諸
曹稍遷給事中賜爵出為濟州刺史假寧東將軍潁川公文成時卒
子林嗣卒子請嗣例降為伯為梁城戍將攻陷其城不屈死之謚忠
襄平子晁繼暉從弟道武時稍遷中書侍郎給事中賜爵除魏郡
太守卒子世宗嗣卒子元和嗣卒

中山王閻大肥蠕蠕人道武時與其弟大渥倍順率宗族歸國道武
善之尚華陰公主賜爵其思子與其弟並為上賓入議明元嗣位進
爵為侯秦常初假榮陽公鎮撫陳汝道武嗣位入為內都大官從討
赫連昌以功授榮陽公又討破大檀從征平涼並有功道武將拜為
王遇疾卒追進今封子賀早卒大肥弟麟嗣爵出為仇池鎮將卒無
子弟鳳嗣爵歷肆州刺史卒無子爵除凡三世

下蔡子屈遵昌黎徒河人博學多藝名著當時為慕容永尚書僕射
武垣公永滅垂以為博陵令道武伐燕遵歸降拜中書令出納王言
兼總文誥中原既平賜爵從駕還京師卒年七十子須嗣除長樂太
守進爵信都侯卒贈昌黎公謚曰恭少子處珍嗣卒子車渠嗣孝文
初為東陽鎮將卒謚曰莊

濟北成公屈恒須長子沈深有局量少纂家業尤善書討道武初
給事諸曹大武時累遷侍中以破平涼功賜爵歷鎮東大將軍真
君四年卒長子觀早卒大武愍之賜其子男爵觀弟哀公道賜嗣
祖爵累遷尚書右僕射加侍中卒子拔嗣歷營州刺史卒子永興
嗣凡四世

章安侯封懿渤海蓀人曾祖懌晉東夷校尉父放慕容暉吏部尚書
兄孚慕容超大尉懿雋偉有才氣能屬文仕慕容寶位至中書令寶
敗歸國拜都坐大官封章安子尋以罪廢還家明元初復其官進爵
爲侯泰常二年卒子玄之坐謀亂誅

渤海定公封磨奴懿次子慶之之子也玄之誅磨奴被刑爲宦人
後爲中書監西使張掖賜爵富城子出爲懷州刺史太和七年卒
追進今爵以族子回爲後嗣爵累遷右光祿大夫莊帝初遇害于
河陰年七十七贈司空謚曰孝宣回卽慕容暉太尉奕之後

安德公封隆之回長子武定中爲開府儀同三司齊州刺史安德
郡開國公

剡縣子封延之隆之弟天平中爲驃騎大將軍青州刺史

下密子封靈祐懿從孫仕宋爲渤海太守慕容白曜平三齊靈祐
乃降賜今爵後爲渤海太守卒子進壽嗣孝莊時爲揚州治中以
失義爲刺史元志所殺

平臯宣侯張恂上谷沮陽人隨兄袞歸代叅代王軍事道武深器異
之皇始初拜中書侍郎幃幃密謀頗預叅議從奚牧略地晉川拜鎮
遠將軍賜爵平臯子出爲常山太守治爲當時第一明元嗣位徵拜

大中大夫神端三年卒恂性清儉家無餘財追進侯爵謚宣子純嗣子爵坐事除

下博子鄧淵安定人祖羗符堅車騎將軍父翼河間相慕容垂之圍鄴以翼爲後將軍冀州刺史真定侯淵性真素博覽經書道武定中原擢爲著作郎與崔玄伯參定朝儀從征平陽以功賜爵漢昌子改下博加中壘將軍坐和跋事賜死子穎嗣歷散騎常待使于宋進爵爲侯加龍驤將軍延和三年卒謚曰文恭子怡嗣官至荊州刺史追爵南陽公和平中卒長子良奴嗣

趙郡公鄧宗慶穎次子以中書學生入爲中散稍遷尚書加散騎常侍賜爵安定侯轉典南部稱職進爵南陽公除涇州刺史更徙今封轉徐州刺史未幾坐妻韓巫蠱伏誅

新野侯鄧權穎弟從道武征伐官至豫州刺史賜爵從征蠕蠕坐法死

安陽子鄧羨穎弟顥之孫也顥長子曰靈珍中書生秘書中散卒羨歷中書學生侍御史累遷郢州刺史鎮義陽靈太后臨朝以羨軍司之勲封安陽縣開國子邑三百戶羨曲附左右故獲封焉神龜初發疽卒謚曰恭長子躋初爲秘書郎朝議以羨本不合山河之賞故不許躋襲躋訴訟久之始聽紹封稍遷梁州長史與刺史元羅同陷于梁卒于孝緒元象中以躋樞還國太和中襲爵躋初

例降

昌國侯鄧靈奇顥次子以齊州刺史進號冠軍將軍賜爵

朝那男梁賴先安定人仕慕容寶歷黃門郎道武時入國拜建德太

守賜爵

烏氏伯梁嵩遵賴先族子少有氣俠起家奉朝請歷雍州參軍蕭寶寅反嵩遵偽受其署既而襲之以功封烏氏縣開國伯邑五百戶後為驃騎司馬卒

魏昌男呂顯本東平壽張人其先石勒特徙居幽州顯少好學性廉直慕容垂以為河間太守皇始初以郡降道武賜爵拜鉅鹿太守卒子温位上黨太守有能名卒贈野王侯謚曰敬

山陽莊公呂羅漢顯孫温子幼隨父擊破氏王楊難當徵為羽林郎後從征懸瓠以功遷羽林郎中幢將賜爵烏程子及南安王余立羅漢猶典宿衛文成之立羅漢有力焉進爵野王侯累遷殿中尚書進今爵後為秦益二州刺史徵拜內都大官卒長子興祖嗣

後例降為侯

右道武時封凡公九人侯十九人其二為王侯十九人三進王子五人

一進王男二人隨父者王九人公三十二人侯二十二二進王人伯一人

子十人男六人

建平王王洛兒京兆人少善騎射明元在東宮給事帳下侍從恭勤恩寵日隆元紹之逆明元左右唯洛兒與車路頭而已明元嗣位拜散騎常侍賜爵新息公又追贈其父為列侯永興五年卒贈太尉進今封爵子長成嗣卒無子弟德成嗣徙為建城公歷散騎常侍真君十一年卒子定州嗣降為建陽侯後定州弟為侍御中散有寵于獻文以祖父洛兒著勲先朝詔復定州爵為公孝文初為長安鎮將卒子陵嗣

始新子張陵升子初嗣升爵承明初遷監御長賜今爵

宣城忠貞王車路頭代人少以忠厚選給東宮爲明元帳下帥善自
修立隨時竭力及明元嗣位拜爲散騎常侍賜爵金鄉公加忠意將
軍後改爲宣城公泰常六年卒追進王爵子眷嗣

廣平公張黎鴈門代人善書計道武知待之明元器其忠亮賜爵大
武以其功任以輔弼歷拜侍中太尉後以議不合旨免仍與古弼並
誅

下邳公費峻代人初仕赫連昌爲寧東將軍泰恒末率衆來降拜龍
驤將軍賜爵犍爲公後爲廣阿鎮大將徙爵下邳子郁以隨父歸誠
勲賜五等男除燕郡太守卒

松楊男費于峻孫郁子少有節操起家凶二郎大武南伐從駕至
江以宿衛之勤除寧遠將軍賜爵歷懷州刺史卒子萬嗣歷梁國
鎮將從孝文南伐戰沒子穆嗣

趙平武宣公費穆萬子宣武初嗣男爵歷遷武衛將軍介朱榮
舉兵向洛靈太后徵穆令屯小平及榮立莊帝河梁不守穆遂
棄衆先降因說穆大行誅爵於是遂有河陰之事榮入洛穆遷
吏部尚書魯縣開國侯食邑八百戶梁將曹義宗攻荊州穆將
兵破禽之以功進封趙平郡開國公增邑一千戶加侍中車騎
將軍元顥入洛穆歸降顥以河陰事殺之莊帝還京追贈司徒
公第二子孝遠嗣天平中叛入關西

新安公于粟磾代人能左右馳騎武藝過人登國中拜寇軍將軍假
新安子從道武平定趙魏假新安公永興中西河反叛粟磾受人征

伐所向皆平遷河內鎮將賜爵新城男攻敗晉師於金墉遷豫州刺史進爵新安侯大武之征赫連昌粟磾又敗晉師於弘農進爵爲公歷枋頭都將又爲外都大官卒年七十五贈太尉公子洛拔嗣以軍功歷拜尚書令侍中太安四年卒

鉅鹿公子烈洛拔長子善射少言少拜羽林中郎將歷遷司衛監總督禁旅孝文時以功賜爵昌國子文明太后欄制進爵洛陽侯後改封聊城縣開國子食邑二百戶從平宛鄧論功加散騎常侍宣武時奉旨以兵召諸王諸王各稽首歸政烈進爵爲侯增邑三百戶并前五百戶順后旣立以世父之重彌見復禮八月卒年六十五追封鉅鹿郡開國公增邑五百戶并舊千戶長子祚嗣爲沃野鎮將坐罪免官以公還第卒子若嗣爵多酒過爲叔父景所黷

殺子順嗣卒子馥

靈壽武敬公子忠祚弟弱冠拜侍御中散累遷征虜將軍以平元禧功封魏郡開國公食邑九百戶忠每以鯁氣正辭爲北海王詳所忿因忠表讓之際密勸世宗以忠爲列卿令解左右聽其讓爵于是詔停其封世宗殂迎立蕭宗忠自以有社稷之功諷動百寮議以忠爲車騎大將軍封常山郡公食邑二千戶自爲車騎大將軍尚書令靈太后臨朝以清河王雍奏其罪出爲冀州刺史熙平元年春御史中尉元匡又奏其罪追奪爵命靈太后詔改封靈壽縣公邑三百戶神龜二年歷侍中尚書右僕射卒無子養弟子永超爲子嗣爵尋卒子世衡嗣齊初例降武城子于果烈弟果毅直亮有父兄之風自中散稍遷光祿大夫

守尚書賜爵太和中歷四州刺史卒子礫嗣歷洛州刺史卒謚曰
哀

本傳曰于氏自曾祖四世貴盛一皇后四贈三公領軍尚書令三
開國公忠以鯁直見親乘非其據遂擅威權生殺自己苟非女生
之世何以全其門族其不誅滅抑天幸也

臨淮公丘堆代人美容儀以忠謹親侍明元嗣位拾遺左右稍遷散
騎常侍以討滅山胡擊敗宋師以功賜爵爲侯大武監國堆與穆觀
等爲右弼大武嗣位進今爵加鎮西將軍從討赫連昌爲昌所敗大
武怒而戮之延和初詔愍其死賜其子跋爵淮陵侯加安遠將軍後
征蓋吳戰沒子麟嗣爲瑕丘鎮將進爵東海公遷東兗州刺史卒

東平公娥清代人少有將略累著戰功歷拜給事黃門侍郎明元時
爲中領軍將軍以渡河略地有功賜爵涇昌侯遂鎮枋頭大武初徵
還京師進今爵從征赫連昌兵敗被執大武克平涼乃得還後討山
胡有功遷平東將軍以罪黜爲門卒遂卒于家子延官至員外散騎
常侍賜爵南平公

魯陽侯韓延之南陽赭赫人魏司徒暨之後也爲平西府參軍劉裕
擊司馬休之于江陵密使與延之書招之延之報書拒之後奔姚興
大恒二年與司馬文思歸魏爲虎牢鎮將賜爵卒子道仁嗣位至殿
中尚書進爵西平公

汾陰侯薛辨其先自蜀徙于河東之汾陰因家焉祖陶與薛祖薛落
等分統部衆故世號二薛父彊復代領部落而祖落子孫微劣彊遂
總攝三營歷石虎符堅常憑河自固仕姚爲尚書彊卒辨復襲統其

營爲與河北太守劉裕平姚泓辨舉營降裕拜平陽太守反裕失長
安辨來歸國仍立功於河際明元授雍州刺史賜爵泰恒七年卒子
謹嗣以功歷遷秦州刺史安西將軍進爵涪陵公眞君元年拜內都
坐大官五年以北討後期被諫尋贈官謚曰元公

河東康公薛初古拔謹長子年始弱冠崔浩見而竒之蓋吳之亂
薛永宗據河右大武親討之乃詔拔糾合宗鄉壁于河際斷冠往
來之路事平除中散賜爵永康侯後尚公主拜附馬都尉除南交
州刺史延興二年進爵平陽公太和六年改今爵八年暴病卒長
子胤嗣十四年隨例入朝屬開革五等降公爲侯後爲河北太守
二十三年卒謚曰敬子裔嗣歷洛州刺史卒子孝神嗣歷前前將
軍大中大夫坐罪死

龍丘子薛慶之拔弟洪隆之孫也洪隆河東太守長子驎駒爲中
書博士卒謚曰宣慶之其長子也頗以學業聞解褐奉朝請累遷
尚書郎爲并肆行臺賜爵歷滄州刺史卒

郟陽侯嚴稜馮翊臨晉人遇亂避地河南劉裕以爲陳畱太守戍倉
垣泰恒中奚斤南討軍至潁川稜率衆迎降明元嘉其誠款賜爵遂
從南討還爲上客及大武嗣位以稷歸化之功除中山太守年九十
卒於家子稚玉嗣太和五年歷遷東兖州刺史假馮翊公卒子曇嗣
中山文懿公李先中山盧奴人祖重晉平陽太守大將軍父樊石虎
樂安太守左中郎將先少好學善占相之術仕符堅爲尚書郎後慕
容永聞其名迎爲謀主永稱制以爲秘書監高密侯皇始初先于井
陘歸順以謀策功累遷定州大中正明元嗣位拜安東將軍封壽春

侯後出爲武邑太守大武嗣位徵爲內都大官神麌二年卒年九十
五進今封爵子罔嗣爲濟陰太守卒子鍾葵嗣

廣平文恭公張蒲河內修武人漢太尉延之後父攀慕容垂兵部尚
書以清方稱蒲少有父風頗涉文史以端謹見知爲慕容寶尚書左
丞道武平中山素聞蒲名仍拜爲尚書左丞明元嗣位爲內都大官
賜爵秦昌子從長孫嵩拒劉裕于河表改爵壽昌大武初出爲相州
刺史始光三年卒年七十二追進今封子昭嗣神麌中從征蠕蠕以
功進爵修武侯延和二年出爲幽州刺史在州三年卒子咏嗣早卒
昌國子張靈符昶弟真君八年補中書博士和平中奉詔宣慰亂
民復業天安初遷中書侍郎賜爵十六年轉光州刺史卒

固安子公孫表燕郡廣陽人遊學爲諸生慕容冲以爲尚書郎慕容
垂破長子從入中山慕容寶走乃歸國以使江南楠旨拜尚書郎明
元初隨元屈討叛胡爲胡所敗表以先諫止屈明元善之賜爵秦常
七年拒宋師河南旣克滑臺遂圍虎牢士卒多傷明元使人縊殺之
燕郡公公孫軌表第三子少以文學知名明元時爲中書郎出從
征討補諸軍司馬大武時奉使策楊玄爲南秦王縹旨拜尚書賜
爵真君二年卒子斌嗣拜內都大官正光二年卒

楊平宣公公孫叡軌第二子初爲東官吏稍遷儀曹長賜爵後
卒于南部尚書長子良推爵讓于弟衡仕至司直卒子崇基嗣
昌平子公孫良叡長子以別功賜爵

廣陽恭侯公孫質軌弟有經義頗屬文初爲中書學生稍遷博士
屢進讜言超遷尚書真君九年卒追爵

范陽侯公孫邃質第二子初為選部吏以積勤稍遷南部長敷
奏有稱遷南部尚書賜爵其後依例降侯改為襄平伯出為青
州刺史太和十九年卒于官子同始嗣卒于給事中

陽夏子肅侯表式陳郡陽夏人漢司徒滂之後父淵仕晉為參軍與
司馬文思等歸姚興太恒二年歸國為上客賜爵陽夏子後為從事
中郎天安二年卒謚肅侯子濟嗣位魏郡太守子姪遂居潁川之陽
夏

右明元時封凡公四人其二侯七人進王其四子三人隨父見者
公六人侯一人子三男一人

學海君道部卷之六十終

學海君道部卷之六十一

世系類五十

列國譜系四十一

北魏篇三

功臣王侯章二

東平成王陸侯代人曾祖幹祖引世領部落父突道武初率部人從
征伐數有戰功位離石鎮將上黨太守關內侯侯少聰慧明元嗣位
襲爵關內侯大武征赫連昌侯督諸軍攻尅虎牢賜爵建鄴公從征
蠕蠕破涼州又討蓋吳斬之遷秦雍都督鎮長安徵拜外都大官文
成嗣位以子麗有定策勲進爵東平王卒年六十七

建安貞王陸馥侯長子多智有父風少為內都下大夫興安中賜

爵聊城侯出爲相州刺史假長廣公爲政清平侯卒馥嗣父爵進
今封歷拜太保孝文延興四年卒第五子琇嗣景明初試守河內
郡咸陽王禧謀反令子曇先振河內琇以禧敗始斬曇坐罪斃于
獄琇弟凱仍上書訴寃宣武詔復琇爵子景祚嗣

平原簡王陸麗馥弟少以忠謹入侍左右特親昵之賜爵章安子
稍遷南部尚書迎立文成麗首謀也與安初封平原王麗頻辭不
聽乃啓讓與其父文成曰朕爲天下王豈不能得二王封卿父子
也乃以其父侯爲東平王麗尋遷侍中撫軍大將軍司徒公文成
殂後爲乙弗渾所害長子定國以自封王爵讓父爵于弟叡歷遷
侍中尚書左僕射太和十六年降五等之爵以麗勳著前朝封叡
鉅鹿郡公後以順遷之功加邑四百戶爲定州刺史與穆泰謀逆
賜死獄中徙妻子于遼西

東郡莊王陸定國麗長子文成幸麗弟詔叡養宮內常與獻文
同處及獻文嗣位拜散騎常侍封定國以承父爵辭不許又以
父爵讓弟叡乃聽之歷遷司空延興五年坐罪免官爵爲兵太
和初復爵爲秦益二州刺史八年卒子昕之嗣爵例降爲公歷
湘州刺史卒謚曰惠昕之尚獻文女常山公主無子以晞之從
兄希道第四子彰爲後正光初嗣爵東郡公建義初爾朱榮欲
循舊事庶姓封王由是封子彰爲濮陽郡王尋而詔罷仍復先
爵歷遷諸州刺史徵拜中書卒謚曰文宣

淮陽男陸希道叡長子有風貌歷覽經史坐父事徙遼西于後
得還從征自效以軍功賜爵歷涇州刺史卒子士懋天平中以

麗有翼戴之勳詔特復鉅鹿郡公令士懋嗣爵歷營州刺史

隴西宣王源賀西平樂都人河西王秃髮儁檀之子也儁檀為乞伏

熾盤所滅賀自樂都來奔偉容貌善風儀太武器其機辯賜爵西平

侯加龍驤將軍謂賀曰卿與朕同源今因事分姓今可為源氏自是

從征伐先登陷陳以功進號平西將軍從平涼州進爵西平公歷拜

殿中尚書太武殂賀與議定策立文成以勳遷給事中進爵西平郡

王出為冀州刺史改今封徵拜太尉獻文將傳位于京兆王子推賀

固執不可乃立孝文帝都督諸軍屯漢南太和元年歸京師三年卒年

七十三

廣武簡侯源延賀長子性謹厚少好學位侍御中散賜爵廣武子

卒追進侯爵子鱗嗣

馮翊惠公源懷賀次子文成末為侍御中散後嗣父爵累遷尚書

令例降為公景明中加侍中車騎大將軍授北馮翊郡開國公食

邑九百戶正始初卒贈司徒公謚曰惠

陽平莊穆公源子邕懷子少好文篤學累遷夏州刺史時沃野

鎮人破六韓拔稜反子邕城陷被囚後勸胡人降魏尋領兵克

平東夏又討羣賊破之除給事黃門侍郎封樂平縣公安樂王

鑒據鄴反子邕與神軌討平之改今封討葛榮戰沒

臨頽侯源子恭子邕第聰敏好學稍遷尚書郎歷豫州刺史頻

以軍功加鎮南將軍兼尚書行臺元顥之入洛也子恭不敢拒

之而頻遣使叅莊帝動靜未幾顥敗莊帝還洛錄前後征討功

封臨頽縣侯閔帝初又以預定策勳封臨汝縣子永熙中入為

史部尚書以子恭前在豫州戰功追賞襄城縣男又論子恭餘功封新城子子恭尋表請授第五子文盛許之天平初除秘書監三年爲高歡軍司卒贈司空公謚曰文獻

高平貞王李順趙郡平棘人父系慕容垂散騎侍郎東武城令道武定中原以系爲平棘令年老卒于家贈平棘男順博涉經史有才策知名于世神瑞中爲中書博士轉中書侍郎始光初從征蠕蠕以籌略之功拜後軍將軍賜爵平棘子又從征赫連昌于統萬又從擊赫連定于平涼三秦平遷散騎常侍進爵爲侯後爲大常使涼州還拜秦雍都督進爵高平公凡使涼州十有二返進號安西將軍崔浩讒之大武真君三年刑于城西皇興初順子敷等貴寵獻文追贈太尉公高平王長子敷真君二年選入中書教學以忠謹給侍東宮性謙恭加有文學獻文厚遇之遷秘書賜爵平棘子復爲南部尚書嗣父爵高平公敷既見待二世兄弟親戚在朝者十有餘人弟奕入有寵于文明太后李訢列其隱罪二十餘條獻文大怒皇興四年冬誅敷兄弟削順位號爲庶人

濮陽侯李式敷弟學業知名歷散騎常侍西兗州刺史賜爵坐敷罪俱死子憲嗣太和初嗣父爵又降爲伯雅爲孝文所賞稍遷散騎侍郎歷淮南大都督孝昌二年憲女壻安樂王鑒據相州反靈太后詔賜憲死永熙中贈侍中尚書令謚曰文靜子希遠早卒子祖俊嗣祖爵齊初例降

安平侯李奕式弟美容貌有才藝早歷顯職都官尚書賜爵與兄敷同死太和初又明太后追念奕兄弟乃誅李訢

固安伯李裔順從子初除汝南王悅常侍稍遷定州別駕孝昌中
 為博陵太守杜弼之亂裔潛引杜洛周以州歸之洛周尋為葛榮
 所滅裔仍事榮靜初爾朱榮既擒葛榮遂繫裔及高敖曹等于晉
 陽從榮至洛榮死乃免普泰初以裔為侍郎永熙中除鎮東將軍
 高歡為大丞相裔為其諮議叅軍天平初以預定策功封固安縣
 開國伯食邑四百戶遷陝州刺史四年八月宇文泰攻陷州城被
 執見害贈都督尚書令司徒公子直嗣武定末司徒屬齊初例降
 容城伯李煥裔從弟少與酈道元俱為李彪所知自給事中轉治
 書侍御史景明初遷司空從事中郎裴叔業以壽陽歸附遣煥率
 眾迎之仍行揚州事賜爵遷梁州刺史卒謚曰昭

趙郡貞公李育煥從子祖父善趙郡太守父顯進州主簿兄映步
 兵校尉育奉朝請稍遷相州防城別將以拒葛榮之勲賜爵後除
 征東將軍天平四年夏卒子惜嗣武定末為齊叅軍齊初例降降
 趙郡公李孝怡顯進族弟中書學生歷相州主簿累遷魏郡太守
 中山王熙據鄴起兵孝怡討擒之賜爵昌樂伯靈太后反政以孝
 怡元又黨除名為民永安初除左將軍仍為防城都督以拒葛榮
 之勲賜爵遷驃騎大將軍武定六年卒子思道為中兵叅軍爵武

城縣公

元氏子李熙李怡從弟神麀中與高允等俱被徵拜中書博士轉
 侍郎以使沮渠有功賜爵加中壘將軍卒謚曰莊子季王嗣卒謚
 曰貞子遺元嗣歷拜中堅將軍卒子恃寧以父事被刑武定末官
 至中允恃寧弟子寧嗣爵為開府默曹叅軍齊初例降

北海康公王憲北海劇人祖猛苻堅丞相父休河東太守憲幼孤隨伯父永在鄴苻丕稱帝復以永爲丞相永爲慕容永所殺憲奔清河匿于民家皇始中道武至高邑憲乃歸款道武見之曰此王猛孫也厚豐待之以爲本州中正大武嗣位加中壘將軍賜爵高唐子後爲中都歷任二曹斷獄稱旨進爵劇縣侯出爲并州刺史進今爵境內清肅以元老還京師天安初卒年八十九子崇嗣早卒子仲智嗣歷幽州刺史

華山公王嶷憲次子以父任爲中書學生獻文時累遷南部尚書加右將軍賜爵東平侯未幾拜安康將軍進爵樂安公出爲秦州刺史改爵華山入爲內都大官卒子祖念嗣官至東平太守例降爵爲侯卒子慶鍾嗣官給事中坐罪爵除

河南公伊馥代人少而勇健善射神麇初擢爲侍郎加振威將軍賜爵汾陽子從平涼州拜中護秘書監興安二年以頻有戰功進今爵歷拜司空平尚書事太安五年卒子蘭嗣位庫部尚書卒子益生累有戰功賜爵平城子爲西道都督戰沒

長廣恭王豆代田代人明元時以善騎射爲內細射以功遷內三郎太武時從討赫連定破之又以從討和龍戰功封長廣公卒于統萬鎮大將追贈王爵于周求嗣

襄城景王盧魯元昌黎徒河人曾祖副鳩仕慕容爲尚書令臨澤公祖父並至大官魯元寬和有雅度明元時選爲通直郎以忠謹給侍東宮大武親愛之及嗣位以爲中書監領秘書事賜爵襄城公贈其父爲信都侯從征平涼以功拜征北大將軍加侍中後遷太保錄尚

書事太平真君三年卒追贈王爵子景王統嗣公爵文成嗣位典選部主客二曹卒贈王無子弟恭王彌娥嗣公爵卒贈王凡三世

淮陽襄王皮豹子漁陽人少有武略泰恒中爲中散太武時爲散騎常侍賜爵新安侯後除開府儀同三司進爵淮陽公坐盜官財徙於統萬太平真君三年宋師克仇池太武徵豹子復其爵位拜仇池鎮將督諸軍擊宋將禽之仇池平進秦雍五州都督徵拜尚書出爲內都大官卒追贈王爵子道明嗣

南康恭公皮懷喜豹子第八子文成以其名臣子擢爲侍御中散遷侍御長孝文初吐谷渾侵掠澆河詔假平西將軍廣川公仇池鎮將申布恩惠酋帥歸附徵爲南部尚書賜爵南康侯後爲豫州刺史坐罪以杖罰卒謚曰恭公子承宗嗣

天水公封勅文代人本姓是賁祖豆開府冀青二州刺史關內侯父湟侍御長贈章武侯謚曰隱勅文始光初爲中散稍遷西部尚書出爲秦益二州刺史賜爵鎮上邽討吐谷渾及休官屠各破之天安元年卒長子萬戶讓爵于弟翰許之

清水恭公宋繇敦煌人曾祖配祖悌世仕張軌子孫父僚在張玄靚時爲武興太守繇生而僚爲張邕所誅五歲喪母少而有志隨妹夫張彥至酒泉追師就學博通經史呂光時舉秀才除郎中後奔段業以業無成又奔李暠歷位通顯沮渠蒙遜平酒泉得繇拜吏部郎中沮渠牧犍時以繇爲左丞送其妹于京師太武賜爵太武并涼州從牧犍至京師卒長子巖嗣

宣城文昭公李孝伯趙郡人高平公順從父弟也父曾少以教授爲

及國語系 卷四十二 七
業郡三辟功曹不就道武時徵拜博士出爲趙郡太守卒贈相人子
謚曰懿孝伯少傳父業博綜羣言從兄順言於太武徵爲中散太武
見而異之謂順曰真卿家千里駒也累遷侍郎賜爵南昌子甚見親
寵以頻從征伐規略之功進爵壽光侯真君末從南伐宋以善應對
進今爵興安二年出爲秦州刺史太安五年卒子安民嗣壽光侯爵
除安民弟豹子正光三年上書求襲爵卒不得襲

建安康公張偉太原中都人高祖敏晉秘書監偉學通諸經講授鄉
里太武時與高允等俱被辟命拜中書博士累遷中書侍郎使北涼
還遷散騎侍郎使宋還拜給事中賜爵成臯子出爲營州刺史進今
爵卒

太原公薛提太原人皇始中補太學生拜侍御史累遷冀州刺史賜
爵有政績徵拜侍中太武殂提定策立文成爲宗愛所殺文成嗣位
以提有謀立之誠詔提弟浮子先嗣爵有司奏降爲侯

南郡恭公毛修之滎陽武人父瑾晉梁二州刺史劉裕之擒姚泓
留子義真鎮長安以修之爲司馬及赫連破義真修之被俘遂沒統
萬大武平赫連昌獲修之神靡中以修之領吳兵討蠕蠕大檀以功
拜吳兵將軍從征平涼有功遷前將軍修之南人飲食手自煎調多
所適意大武親待之進大官尚書賜爵從討和龍以收三堡功多遷
特進撫軍大將軍大延三年爲外都大官卒子法仁嗣歷散騎常侍
和平六年卒贈南郡王謚曰威長子猛虎嗣歷散騎常侍太和初卒
謚曰康公子泰寶嗣位征虜長史例降爲侯卒子乾祐嗣
建興公古弼代人少忠謹好讀書又善騎射初爲獵郎使長安稱旨

轉門下奏事明元賜名曰弼累遷典西部百揆太武嗣位以功拜立節將軍賜爵靈壽侯歷拜侍中與尚書李順使涼州進今爵遷侍中尚書令文成嗣位坐議不合旨免有怨謗之言其家人告巫蠱被誅時人寃之

南陽公奚眷代人少有將略道武時有戰功明元時爲尚書假安南將軍虎牢鎮將爲寇所憚太武初賜爵加侍中都督徙鎮長安從征蠕蠕坐後期誅爵除

毗陵公竇瑾頓丘衛國人自云漢司空融之後高祖城爲頓丘太守因家焉瑾少以文學知名自中書博士爲中書侍郎賜爵繁陽子加寧遠將軍參與軍國之謀屢有軍功遷秘書監進爵衛國侯初定三秦以瑾爲秦雍都督長安鎮將進今爵在鎮八年徵爲殿中丞官尚

書興光初坐罪誅

武昌宣公許彥高陽新城人祖茂慕容氏高陽太守彥少孤貧好讀書後從沙門法獻受易太武初被徵以上筮頻驗遂在左右參與謀議拜散騎常侍賜爵博陵侯彥質厚慎密太武以此益親待之進今爵拜相州刺史真君二年卒長子熙嗣位中書郎早卒子安仁嗣除中書郎卒謚曰簡子元康嗣後降爲侯歷廷尉少卿魏郡太守卒謚曰肅子廓嗣累遷諸郡太守卒子躬嗣武定末水曹參軍齊初例降

凡五世

穎川公許宗之彥次子歷位定州刺史賜爵文成時坐罪誅

金城公周觀代人驍勇有膂力太武以軍功賜爵累遷秦州刺史以討叛賊爲流矢所中卒太武怒絕其爵

河南宣穆公寇讚上谷人因難徙馮翊萬年父修之苻堅東萊太守讚第謙之有道術太武敬重之故追贈修之爲馮翊公賜命服謚曰哀讚少以清素知名馮翊太守韋華召爲功曹除襄邑令姚泓之滅秦雍人千有餘家推讚爲主讚率衆歸順拜南雍州刺史軹縣侯治於洛陽流民襁負來歸賜爵河南公在州十七年以老致仕真君九年卒年八十六長子元寶嗣爲豫州別駕興安元年卒子祖嗣爲東徐州刺史卒子靈孫嗣位赭陽太守

昌平男寇治讚孫父虎皮爲弘農太守卒治自洛陽令遷東荊州刺史歷金紫光祿大夫以討蠻戰沒贈爵長子肱之自直後奉朝請累遷東荊州刺史普泰中嗣父爵歷拜金紫光祿大夫武定四年卒

濮陽文宣公谷渾昌黎人父袞膂力兼人勇冠一時仕慕容垂至廣武將軍渾少有父風任俠好氣晚乃折節授經業道武時以善隸書爲內侍左右太武嗣位累遷侍中賜爵延和二年卒子簡公闡嗣位外都大官卒子洪位尚書改賜爵滎陽公坐賊罪伏法

元城縣侯谷紹達渾洪之孫父頽位太府少卿卒謚曰貞紹達位鴻臚少卿封胡太后嬖倖鄭儼構誣以罪殺之

敦煌公萬真代人世爲首帥恒率部民從太武征伐以功除平西將軍賜爵

馮翊公萬振真子尚太武公主拜駙馬都尉累遷散騎常侍長安鎮將賜爵

安成王萬安國振子以國甥復尚河南公主拜駙馬都尉獻文特

親寵之超拜大司馬大將軍封承明初以罪賜死子翼嗣王爵太和十五年卒子纂嗣依例降爲公歷右軍將軍正光二年卒子金剛嗣武定末開府祭酒齊初例降

平舒侯燕鳳代人好學博綜經史昭成素聞其名使人以禮迎致之鳳不應聘乃命諸軍圍代城代人送之昭成與語大悅拜左長史參軍國事道武時歷遷行臺尚書甚見禮重明元時與崔宏等入講經傳出議朝政太武初以舊勳賜爵神廡元年卒子才嗣歷散騎常侍卒子元孫嗣歷博陵太守卒子世宗嗣

中都簡侯宋宣西河介休人曾祖爽晉昌黎太守後爲慕容廆長史祖活中書監父洽爲慕容垂尚書道武平中山殺之洽時年數歲親人竊逃以免後與盧玄高允俱被徵拜中書博士使宋加冠軍將軍賜爵真君七年卒子謨嗣卒于遼西太守子鸞嗣歷東莞太守

魏縣宣侯杜銓京兆人晉當陽侯預五世孫也祖胄苻堅太尉長史父嶷慕容垂秘書監仍僑居趙郡銓學涉有長者風與盧玄高允等同被徵爲中書博士後爲宗正令與杜超子道生迎太后父喪葬鄴超遂延引同屬魏郡焉遷中書侍郎賜爵新豐侯卒追改今封

始平伯杜長文銓族子洪太之孫洪太歷諸郡太守卒子祖悅爲高陽太守卒於郡長文其子也孝明時歷遷尚書郎以隨叔顯守岐州勳賜爵卒于安西將軍

平陽伯杜顥洪太次子頗有幹用解褐參軍累遷東荊州刺史以守岐州勳封平陽縣開國伯邑五百戶後爲都督防守岐州万俟醜奴攻之不克事寧以勳又賞安平縣開國伯食邑五百戶以平

陽伯轉授第二子景仲後爲征西將軍金紫光祿大夫卒

固安襄侯李崇范陽人祖產產子績二世知名於慕容氏崇爲馮跋吏部尚書石城太守延和初太武至和龍崇率十餘郡歸降太武甚禮之以崇爲北幽州刺史賜爵卒年八十一長子恭位成周太守早卒贈容城侯謚曰簡侯恭弟瓘以榮丘太守嗣父爵爲平西將軍卒謚曰康侯子長生嗣卒子元宗嗣位陳郡太守凡五世

范陽公李訢崇庶子母賤爲諸兄所輕崇曰此子之生相者言貴善每觀察或未可知遂使入都爲中書學生太武見而異之累除中書博士授太子經文成嗣位訢以舊恩親寵遷領中秘書賜爵扶風公獻文時益見寵用歷遷司空侍中進今爵獻文殂文後史后忿之幽州刺史范柵希旨告訢外叛遂見誅

宜陽穆侯李璞恭弟歷長安副將賜爵位太常卿承明元年先訢卒

東安簡侯刁雍渤海饒安人高祖攸晉御史中丞曾祖協晉尚書令父暢晉右衛將軍初暢兄遠以劉裕負錢執而徵焉及裕誅桓玄以嫌故先誅刁氏雍爲暢故吏所匿奔姚興爲太子中庶子泰恒二年姚泓滅與司馬休之等歸魏明元假雍鎮東將軍青州刺史東光侯拒南軍屢破之鎮濟陰延和二年立徐州于外黃城以雍爲刺史賜爵遷薄骨律鎮將興光二年詔雍還都拜特進太和八年冬卒年九十五長子纂早卒纂弟遵嗣太和中例降爲侯歷遷洛州刺史熙平元年卒年七十六謚曰惠侯

曲城縣男刁雙雍族孫也高祖藪晉齊郡太守藪因晉亂居青州

之樂安父道覆皇興初除平原太守至雙始還本鄉雙少好學雅
爲中山王英所知賞拜西河太守孝明末遷西兗州刺史莊帝初
以平賊功封歷左光祿大夫興和三年卒

長社穆侯王慧龍自云太原晉陽人晉尚書僕射愉之孫散騎侍郎
緝之子也幼聰慧愉以爲諸孫之龍故名焉初劉裕微時愉不爲禮
及得志愉合家見誅慧龍年十四爲沙門僧彬所匿後奔姚興大恒
三年姚泓滅慧龍歸魏明元引見拜洛城鎮將崔浩弟恬聞慧龍王
氏子以女妻之及魯宗之子軌亦自姚興歸歸云慧龍是王倫家賢
僧彬所通生也浩雖聞之以女之故成贊其族慧龍由是不調崔浩
固言之乃授安南長史宋將王玄謨侵滑臺慧龍督諸將大破之太
武賜爵拜滎陽太守真君元年遷虎牢鎮都副將未至鎮而卒子賓
興嗣爲龍驤將軍卒子瓊嗣太和十九年降侯爲伯歷洛州刺史拜

尚書令

高都簡侯慕容琚慕容暉之曾孫也歷官以廉清著賜爵卒于尚書
左丞

濟南王慕容白曜琚之子初嗣父爵稍遷北部尚書文成殂與乙
渾共執朝政遷尚書右僕射進爵南鄉公皇興初爲征南大將軍
督諸軍拒朱師於碣磈進爵上黨公遂自瑕丘進攻歷城東陽皆
平之以功拜青州都督進今封初乙渾專權白曜頗所挾附後緣
此追以爲責皇興四年以反叛誅時論寃之
定陶男慕容契白曜弟子輕薄無檢太和初以名家子擢爲中散
遷宰官令賜爵後卒于都督朔州刺史謚曰尅

顯親莊侯段進不知何許人太武初爲白道守將蠕蠕大檀入塞圍之被執不屈死之追贈安北將軍賜爵

東安王劉尼代人本姓獨孤氏曾祖敦有功於道武爲方回大人父婁冠軍將軍卒尼少壯健勇果善射太武見而善之拜羽林中郎賜爵昌國子太武殂尼與陸麗謀迎立文成進爵建昌侯遷散騎常侍又進爵東安公尋加侍中進封爲王獻文時歷拜司徒坐罪免官延興四年卒子社生嗣歷步兵校尉熙平初卒謚曰克

平昌宣王和其奴代人少有操行善射御初爲三郎轉羽林中郎以恭勤致稱賜爵東陽子文成初遷尚書進爵平昌公和平中遷司空加侍中皇興初東平王道符反詔其奴討之未至而道符敗軍還三年卒追贈王爵子天受嗣太和六年歷遷下大夫卒

咸陽文公高允渤海蓀人漢太傅裒之後也曾祖慶慕容垂司空祖泰吏部尚書父韜慕容垂從事中郎道武平中山以韜爲丞相參軍早卒允少孤夙成有奇度崔宏見而異之性好文學擔笈負書千里就業博通經史神麈三年太武舅杜超鎮鄴以允爲從事中郎年四十餘矣還家教授四年與盧玄等俱被徵拜中書博士遷侍郎樂平王邳西討上邽以允參軍事涼州平以參謀之勲賜爵汶陽子爲郎二十七年不徙官文成時拜中書令轉太常卿領秘書監進爵梁城侯後從獻文北伐還獻文不豫允定議傳位孝文遷中書監以定議勲進今爵加光祿大夫太和十一年卒年九十八子忱嗣位長樂太守後例降爵爲侯尋卒孫貴賓嗣除州治中卒

臨邑子高推允弟早有名譽太延中以散騎常侍使宋宋人稱其

才辯遇疾卒於建業追贈

浮陽子高濟允從叔與允同被徵補中書博士真君中累遷負外
常侍賜爵後歷滄水太守卒謚曰宣子矯嗣卒子師嗣歷光祿大
夫

鉅鹿簡公李靈趙郡人高平公順從父兄也父勰恬靜好學有聲趙
魏神麀中靈與盧玄等俱被徵拜中書博士轉侍郎以學優溫謹選
授文成經賜爵高邑子文成嗣位除洛州刺史卒年六十三追贈今
爵子貞公恢嗣子爵文成以恢師傅之子拜長安鎮副將進爵為侯
假鉅鹿公皇興元年東平王道符謀反殺恢追贈公爵長子悅祖嗣
高邑侯爵例降為伯卒子瑾嗣天平初歷車騎將軍大司農卿元象
元年卒贈司徒公子景威嗣武定末西汝陰太守齊初例降

平棘子李顯甫悅祖弟本州別駕遷步兵校尉從南征功賜爵
除河北太守卒謚曰威子元忠武定中為驃騎大將軍儀同三
司晉陽縣開國伯

欒城子李華顯甫次弟膂力過人頗有將略每從征伐頗著軍
功賜爵為中山太守卒長子構嗣官至通直散騎常侍卒

始豐懿侯李璨靈弟趙郡太守均之子衣冠魁偉受學於梁祚興
安中為秘書中散本州別駕歷遷叅軍以定淮北功為兗州刺史
綏安初附以叅定徐州之功賜爵延興元年卒子元茂嗣歷彭城
鎮副將太和二十年卒謚曰順子秀之嗣歷尚書都官郎

固安宣侯盧玄范陽涿鹿人曾祖湛晉從事中郎祖偃父邈並仕慕
容氏為郡太守皆以儒雅稱神麀四年太武辟召儒雋以玄為首授

列國詩系 卷四十二 十五
中書博士使馮弘令弘稱臣內附賜爵固安子遷散騎常侍卒追贈
今爵子度世幼而聰達爲中書學生應選東宮後以崔浩事棄官逃
匿被赦乃出拜中書侍郎嗣父爵興安初兼太常卿進爵爲侯歷濟
州刺史延興元年卒謚曰惠侯子淵嗣歷秘書監以例降爵爲伯後
爲安南將軍督諸軍攻齊赭陽兵敗坐免官爵爲民景明初除秘書
監二年卒追復本爵謚曰懿長子道將讓父爵於第八弟道書歷位
中書侍郎卒

臨淄伯盧道虔淵子尚孝文女濟南長公主公主驕淫暴卒道虔
坐黜爲民道虔外甥李或尚莊帝姊豐亭公主因相藉託永安中
除征虜將軍以議歷勲賜爵累遷幽州刺史贈司徒公謚曰恭文
諸子競父爵未嗣

城陽子盧元明淵弟昶之子也昶爲鎮西將軍散騎常侍卒謚曰
穆元明涉歷羣書兼有文義臨淮王或欽愛之引爲兼屬仍領部
曲出帝嗣位以郎任行禮賜爵累遷散騎常侍兼黃門侍郎卒

范陽子盧文翼昶弟尚之子也尚之爲濟州刺史光祿大夫卒文
翼少甚輕躁晚頗改節爲員外郎因歸鄉里永安中爲都督守范
陽三城拒賊帥韓樓有功賜爵永熙中除右將軍太中大夫卒

章武伯盧同玄族子父通本州別駕同身長八尺容貌魁偉善于
處世太和中起家王國常侍累遷尚書左丞元乂之廢靈太后也
中山王熙起兵于鄴乂以同爲慰勞使至州誅之就德興反於營
州以同爲幽州刺史兼尚書行臺慰勞之大敗而還靈太后反政
同以乂黨除名孝莊嗣位詔復本秩以前慰勞功封章武縣伯歷

除儀同三司永熙初卒長子裴嗣

固安伯盧誕玄族子曾祖晏仕慕容氏位郡太守祖壽太子洗馬慕容氏滅入魏爲魯郡守父叔仁歷幽州司馬誕幼而通亮博學有詞彩州郡辟舉皆不行起家侍御史累遷侍御史北豫州都督長史以功賜爵恭帝二年歷秘書監以疾卒

河南烈公陸真代人父洛侯秦州刺史真少善騎射太武初以真督力過人拜內三郎數從征伐以功屢受賞賜真君中從討蠕蠕以功賜爵關內侯從擊宋將王玄謨于滑臺破走之進爵石城子還攻盱胎真功居多文成嗣位進爵都督侯以破東平王道符功進今爵延興二年卒子延嗣累遷濟州刺史例降封汝陽侯正光初以太僕卿受使綏慰秀容爲牧子所害

安成敬侯尉撥代人父那濮陽太守撥爲太學生應募從兗州刺史羅怛擊賊於陳汝有功賜爵介休男從討和龍又擊吐谷渾以功進爵爲子獻文時累遷北豫州刺史進今爵卒

聞喜侯裴雙碩河東聞喜人爲本縣令假弘農太守安邑子卒加贈今爵子駿幼而聰慧弱冠通涉經史好屬文蓋吳之亂駿率厲鄉豪擊走之太武大悅拜中書博士累遷散騎常侍皇興二年卒亦追贈本爵謚康侯

始昌子毛天愛北地三原人太武時官至定州刺史賜爵傳四世至曾孫遐正光中以拒蕭寶夤功進爵爲伯孝武入關歷遷驃騎大將軍卒弟鴻賓以破賊功封開國縣侯歷南兗州刺史孝武入關令鎮潼關爲高歡所擒弟鴻顯亦以功封縣侯大統中爲廣州刺史

肥如子高育遼東新昌人父策馮跋散騎常侍新昌侯育爲馮弘建德令太武東伐育率部衆降賜爵授郡太守卒子玄起爲武邑太守遠居渤海修縣子道悅爲太子中庶子以直諫爲太子恂所殺謚曰貞侯

平城子邢穎河間鄭人少以才學知名太武時與盧玄高允等同徵拜中書侍郎賜爵使宋以病還鄉里卒謚曰康

平舒伯邢巒穎孫少而好學姿貌甚偉州郡表貢拜中書博士爲文成所知遷侍郎歷散騎常侍兼尚書宣武時爲諸軍都督拒梁師於淮陽宿豫屢破平之以功封平舒縣開國伯食邑五百戶又討白早生斬之豫州平遷殿中尚書加撫軍將軍延昌二年卒謚曰文定子遜嗣歷位大司農卿武定四年卒

城平男邢祐巒叔祖少有學尚知名於時徵除著作郎累遷太守賜爵卒年七十三

列人子宋惜廣平列人人與從叔宣俱知名太武時歷位中書博士負外散騎常侍使江南賜爵還拜廣平太守興安五年卒謚曰惠長子顯嗣次子弁爲吏部尚書

河東信王苟頰代人本姓若干曾祖烏提登國初有勳於道武賜爵吳寧子父洛拔內行長頰厚重清直武力過人擢爲中散小心謹敬太武至江賜爵建德男太和中歷位侍中都曹尚書進爵河南公頰方正好直言累遷司空進今封孝文幸三川頰留守京師沙門法秀之亂頰討平之卒子愷嗣王爵例降爲公

武陵元公崔劄清河人父昉隨晉南陽王保避地隴右遂任西涼及

沮渠氏剖每慷慨有懷東主及太武西巡剖乃總率同義使子寬送款太武嘉之拜寬岐陽令賜爵延水男遣使與寬俱西撫慰初附徵剖詣京師未至而卒文成以剖著誠先朝贈今爵寬還京賜爵安國子位弘農太守崔浩之誅寬以遠來疎族獨得不坐遂家于武城以一子繼浩與浩弟覽寬後嗣武陵公爵為陝城鎮將卒子衡以太和二年嗣除秦州刺史徙爵齊郡公卒謚曰惠長子敞嗣例降為侯卒于趙郡太守

漢安男宿沓于朔方人赫連勃勃弟文陳之孫也天興二年文陳父子歸魏道武嘉之以宗女妻焉拜為上將軍父若豆根明元賜姓宿氏表上將軍沓于太武時虎賁幢將從征平涼有功拜侍御即賜爵遷給事真君四年從討蠕蠕戰沒詔求沓于子石嗣

太原康王宿石沓于子年十三嗣父爵歷拜中壘將軍進爵蔡陽子文成時以從獵制御馬功改爵義陽子又以從獵切諫得免虎害尚上谷公主拜駙馬都尉天安初進吏部尚書進爵太山公為北中道都太將延興元年卒追進今封太初初子倪嗣為比部侍郎

山陽景桓公尉元代人世為豪宗父目斤為中山太守元年十九以善射彌神麋中歷羽林中郎將以恭謹見知於太武從幸海隅賜爵富城男和平中遷散騎常侍進爵太昌侯天安元年進爵博陵公都督諸軍拒宋將張永等於徐州走之拜都督徐州刺史更爵淮陽公延興元年假元淮陽王擊宋將蕭順之於淮北走之太和初徵為內都大官尋出為鎮西大將軍開府統萬鎮將二年進爵淮陽王入為

侍中尚書令十三年進位司徒十六年例降庶姓王爵封山陽郡開國公食邑六百戶致仕拜爲三老十七年卒年八十一子羽嗣改爵博陵郡開國公爲恒州刺史卒謚曰順子景興嗣正始元年卒無子景興弟景雋嗣爲員外散騎常侍延昌中坐杖國吏死降封深澤縣開國公子伯永嗣無子爵除

始復男胡叟安定臨涇人世有冠冕爲西夏著姓叟少聰敏善屬文年十八入長安不遇遂入漢中宋梁州刺史以叟才士頗相禮接授叟末佐不稱其懷乃西入沮渠牧犍牧犍遇之甚重叟亦本無附之誠歲餘牧犍破降叟旣先歸降太武以其識機拜虎威將軍賜爵家於密雲年八十卒無子弟繼之嗣

南浦男張湛敦煌人魏執金吾恭九世孫也湛弱冠知名好學能屬文仕沮渠蒙遜兵部尚書涼州平入魏年五十餘矣賜爵

臥樹男宗欽金城人父煖呂光太常卿欽少而好學有儒者之風博綜羣言聲著河右仕沮渠蒙遜爲中書郎太武平涼州欽入魏賜爵拜著作郎崔浩之誅也欽亦賜死

句町男宗舒欽弟爲沮渠蒙遜庫部郎中與兄同歸魏賜爵加威遠將軍名亞于兄子孫皆衰替

武邑簡公賈秀武威姑藏人七世祖敷魏幽州刺史廣川都亭侯子孫因家焉祖爲苻堅鉅鹿太守父彝爲慕容垂昌黎太守叅合之敗彝被執入魏道武拜尚書左丞叅預國政天賜末彝詣温湯療病爲叛胡所執送於姚興積數年遁歸又爲赫連所執拜秘書監年六十一卒太武平赫連昌秀迎父尸歸葬于代秀歷遷太子中庶子中書

侍郎賜爵陽都男文成嗣位以秀東宮舊臣進爵爲子加振威將軍
執志守正廉清儉約皇興三年卒年七十三追贈今爵子雋嗣歷位
荊州刺史依例降爵爲伯景明初卒子叔休嗣除給事中卒子興嗣
任城侯李洪之恒農人少爲沙門晚乃還俗真君中爲狄道護軍賜
爵安陽男會永昌王仁隨太武南征得元后姊妹二人洪之以宗人
潛相餉遺結爲兄弟遂便如親及仁坐事誅元后入宮得幸于文成
生獻文元后臨終因言洪之爲兄遂號爲獻文親舅授河內太守進
今爵累遷尚書秦益二州刺史

右太武時封爵凡公二十一人

其二

侯七人子十一人

一王二

男

八人

一王三侯

隨父見者王六人公九人侯五人伯十人子七人男

五人

酒泉宣王唐和晉昌宜安人父繇以涼土喪亂推李暠於敦煌及李
氏爲沮渠蒙遜所滅和與兄契携外甥李寶避難伊吾臣於蠕蠕蠕
蠕立契爲伊吾王經二十年和與契遣使來降爲蠕蠕所逼契戰沒
和收餘衆奔前部王國攻沮渠安周於橫截城拔之遣使表伏太武
嘉其誠款令和鎮焉由是諸胡款附西域克平正平元年和詣闕太
武優寵之待以上客文成以和歸誠先朝拜鎮西將軍酒泉公太安
中出爲齊州刺史皇興中卒年六十七追贈王爵子欽嗣歷任陝州
刺史後降爵爲侯太和二十年卒子景宣嗣歷東郡太守普泰中卒
晉昌公唐玄達契子與叔父和歸闕俱爲上客拜安西將軍賜爵
歷華州刺史延興二年有罪免官太和十六年降爵爲侯卒子崇
嗣歷盛樂太守

河東康王薛安都河東汾陰人父廣晉上黨太守安都少驍勇善騎射仕宋歷徐州刺史鎮彭城和平六年宋主或弒子業而自立晉安王劉子勛舉兵江州安都與沈文秀崔道固常珍奇等以郡應之宋將張永討安都安都遂遣使來降拜徐州刺史賜爵河東公皇興二年與畢眾敬朝于京師甚見禮重子姪羣從並處上客皆封侯三年卒追贈王爵子道標嗣歷任秦州刺史十三年卒子達嗣例降為侯及開建五等以安都著勳先朝封達河東郡開國侯食邑八百戶後以河東畿甸改封華陰縣侯出為漢陽太守卒子羅漢嗣齊初例降安邑侯薛道異道標弟亦以勳為第一客早卒追贈

安邑侯薛道次道異弟質于京師拜給事中賜爵出為秦州刺史假河南公太和十五年為光祿大夫卒子巒嗣爵降為平溫子歷

撫軍將軍汧城大都督鎮北隴孝昌二年卒

蒲坂侯薛碩明安都兄子隨安都入國賜爵

敷西莊公薛真度安都從祖弟從安都來降為上客太和初賜爵

河北侯為平州刺史假陽平公後降侯為伯遷冠軍將軍荊州刺

史以攻南陽勲改封臨晉縣開國公食邑三百戶尋增邑二百正

始初遷揚州刺史還朝加散騎常侍又改封敷西縣永平中卒嫡

子懷徹嗣歷車騎將軍卒子懷吉嗣

襄陵男薛懷朴懷吉弟為恒農太守賜爵

安定男薛懷景懷朴弟為河東太守賜爵

汾陰男薛懷雋懷景弟為益州刺史賜爵天平初為梁將所擒

梁主遣還興和中卒子湛儒嗣武定中為參軍齊初例降

魯郡康公孔昭魏郡鄴人歷位侍中幽州刺史賜爵卒長子伯恭自有爵次子伯遜嗣父爵歷徐州刺史坐事免官

東海桓王孔伯恭昭長子初以父任拜給事中後賜爵濟陽男進彭城公獻文時擊走宋將沈攸之遂據淮陽皇興二年以伯恭為彭城鎮將徐兖都督假東海公卒贈鎮東大將軍加封王爵

東平公畢眾敬東平須昌人少好弓馬射獵盜掠為業宋主駿為徐兖刺史辟為從事歷冗從僕射宋主或弑子業而自立遣眾敬出詣兖州募人至彭城刺史薛安都召與密謀舉兵應子勛乃矯命以眾敬行兖州事及安都以彭城入國眾敬亦以城降皇興初拜兖州刺史賜爵後徵還京師以老乞歸太和十五年卒子元賓與父同建勳誠及至京師俱為上客賜爵須昌侯後以元賓勳重拜兖州刺史假

彭城公父子相代為本州當世榮之以父憂解任其年冬未卒謚曰

平賜妻元氏之子祖榮蚤卒子義允嗣祖爵東平公例降為侯歷給

事中卒子僧安嗣 凡三世

南城男宰祖朽元賓長子初嗣父爵須昌侯例降為伯起家負外

郎歷本州中正正始二年梁師侵兖州祖朽擊被之以功封南城

縣開國男食邑二百戶歷遷瀛州刺史卒祖朽無子以弟祖歸子

義暢為嗣

須昌侯畢祖髦祖朽弟起家奉朝請祖朽別封南城以須昌侯回

授之後為東平太守卒子義和嗣

新昌子畢祖暉元賓賜妻元氏第二子自奉朝歷遷幽州刺史孝

昌初以全城之勳封新昌縣開國子食邑四百戶後沒於賊長子

義勰嗣齊初例降

鉅平康侯暉衆愛衆敬弟隨兄歸國以勳爲第一客賜爵卒于聞
慰嗣例降爲伯歷遷滄州刺史加散騎常侍孝昌初以討元法僧
敗奔京師被劾遇赦免其年卒謚曰恭子祖彥嗣伯爵歷光祿大
夫卒

河內公常珍奇汝南人爲宋司州刺史亦與薛安都等推立劉子勛
子勛敗遣使請降拜豫州刺史賜爵尋以懸瓠叛元石攻破之珍奇
逃免

吳郡公沈文秀吳興武康人伯父慶之宋司空公文秀初爲郡主簿
稍遷青州刺史後與諸州推立劉子勛而子勛敗皇興初文秀以崔
道固具以州降尋復歸於宋固守東陽慕容白曜攻破其城執之文

秀不屈獻文嘉之拜懷州刺史假吳郡公在州數年卒

曲江公陳伯之下邳人以勇力自效仕宋爲江州刺史豐城縣開國
公景明三年伯之遣使密表請降并遣其子虎牙爲質乃以伯之爲
江州刺史曲江縣開國公歷光祿大夫

豫寧伯陳虎牙伯之子仕宋爲徐州刺史永昌縣開國侯旣爲質
改封豫寧縣開國伯邑五百戶歷遷前軍將軍

陳畱武康公李崇頌丘人文成皇后第二兄誕之子年十四召拜主
文中散騎嗣父爵陳畱公後例降爲侯歷遷都督征蠻諸軍事征氏
蠻悉相州刺史孝昌元年卒贈司徒公謚曰武康次子神軌嗣爵陳
畱侯累遷征東將軍給事黃門侍郎後于河陰遇害建義初追贈公
爵

武邑郡文烈公李平崇從弟彭城王嶷之長子初拜通直散騎侍郎後以例降嗣爵彭城公累遷尚書右僕射靈太后朝以平定冀之勳封卒謚文烈長子獎以元叉擅朝獎為其親待頻居顯職靈太后反政削除官爵孝莊初為河南尹元顯入洛遇害孝武初贈冀州刺史子構嗣祖爵武邑郡公齊初為縣侯位終大夫鄉獎弟諧嗣父先爵彭城侯卒于大司農

衛國子李世哲崇長子為別將討群蠻大破之除涇州刺史賜爵

蘭陵忠武公裴叔業河東聞喜人魏冀州刺史徽之後也五世祖苞

晉秦州刺史祖邑自河東居于襄陽父順宗兄叔寶仕宋齊並有名

位叔業宋元徽末歷官為羽林監齊明帝時為徐州刺史封武昌縣

伯及廢帝之亂叔業以壽春入附景明元年進今封官如故食邑二千

尋病卒子禕之仕齊為常侍先卒子譚紹封位中散大夫卒謚曰敬

子測嗣歷通直散騎侍郎天平中走於關中凡三世

山莊伯裴芬之叔業次子仕齊位羽林監父叔業以壽春入魏封

上蔡縣開國伯食邑七百戶徙今封歷岐州刺史為隴賊所圍城

陷遇害子涉嗣卒子僑尼嗣齊初例降凡三世

雍丘子裴彥先叔業長兄子叔業入魏封雍丘縣子位勃海相卒

謚曰惠子約嗣冀州大乘賊起勅為別將行渤海郡事城陷見害

崇義侯裴植叔業兄叔寶子也少好學仕齊以軍勳至長水校尉

隨叔業鎮壽春叔業卒眾共舉植監州詔以為兗州刺史封食邑

千戶歷尚書金紫光祿大夫為于忠所構遇害後事雪復爵子炎

嗣

義安侯裴颺植弟常隨叔業征伐以軍功爲齊驍騎將軍叔業之歸魏也颺率軍爲備景明初以爲南司州刺史封義安縣開國伯邑千戶詔命未至爲賊所殺進爵縣侯宣武以颺勳效未立而卒其子炯不得嗣封莊帝初炯行貨於執事乃封城平縣開國伯食邑八百戶元乂又納其金帛進伯爲侯改封高城縣增邑一千戶歷東郡太守孝昌三年爲城民所害謚曰簡子斌嗣武定中參軍齊初例降

灌津子裴瑜颺弟初拜通直散騎常侍封下密開國子食邑三百戶試守滎陽郡坐罪免官後徙今封卒於渤海太守謚曰定子堪嗣歷尚書郎興和中坐事死爵除

舒縣子裴粲瑜弟景明初賜爵歷中書令出爲膠州刺史青州叛賊耿翔襲州城陷遇害

臨汝公裴衍粲弟仕齊至陰平太守景明二年始得歸國歷河內太守孝昌初爲別將與梁將戰於荊州走之除北道都督鎮鄴西之武城封安陽縣開國子食邑三百戶安樂王鑒以相州叛衍又討平之除相州刺史北道大都督進今封增邑千二百戶北討葛榮軍敗見害子嵩嗣武定中河內太守齊初例降

陳郡公李叔仁冀州人以勇壯爲將位至車騎大將軍封陳郡開國公後爲梁州刺史沒於關西

中山公張宣軌中山母極人祖珍慕容寶度支尚書以武平中山入國大武時爲涼州刺史卒謚曰穆父感有器業不應州郡之命宣軌少孤歷郡功曹州主簿延昌中釋褐奉朝請歷相州司馬屬葛榮圍

城與刺史李神有固守之效永安中以功賜爵中興初坐事死於鄴
武城公崔陵清河人御史中丞暹之玄孫也曾祖靈和仕宋爲員外
散騎侍郎父宗伯宣武初追贈清河太守父休少孤貧舉秀才歷官
殿中尚書卒謚文貞懷其長子也武定中爲七兵尚書封武城縣開
國公

晉陽惠公辛紹先隴西狄道人五世祖怡晉幽州刺史父淵爲西涼
驍騎將軍死于難大武之平涼州紹先內徙家於晉陽自中書博士
歷下邳太守宋兵不敢侵境太和十三年卒追贈今爵

三門男辛子馥紹先第二子穆之長子也蚤有學行孝昌初釋褐
參軍莊帝時歷遷平原相元顥入洛子馥不附披拘莊帝反政詔
封三門縣開國男食邑二百戶歷清河太守武定八年卒

弘農簡公揚懿恒農華陰人增祖結仕慕容氏卒于中山相祖珍道
武時歸國卒于上谷太守父真清河太守懿延興末爲廣平太守有
積績遷洛州刺史未之任而卒追贈今爵

華陰伯揚播懿子母王氏文明太后之外姑播少修整奉養盡禮
擢爲中散累遷員外常侍與陽平王頤等出擊蠕蠕大獲而還遷
左將軍從孝文南伐以功賜爵華陰子後從征鄧城破之遷爵爲
伯景明初遷華州刺史至州借民田爲王基所劾削除官爵延昌

二年卒熙平中追復官爵謚曰壯播弟椿雍州刺史爲余朱所害

濟北郡公揚侃播子初嗣父爵釋褐錄事參軍歷遷通直散騎

常侍從長孫稚討蕭寶寅于長安平之遷東雍州刺史元顥內
逼詔侃率衆鎮大梁莊帝徙河北封侃敷西縣開國公

千戶莊帝南還侃與朱兆破顥將擒之顥南走莊帝還京以
功進封今增邑五百戶後與莊帝謀誅朱榮及朱兆入洛
侃潛竄歸華陰普泰初朱天光誘出害之太昌初贈幽州刺
史子純地嗣

三門縣公楊順椿弟太和中起家奉朝請累遷太僕卿預立莊
帝功封任冀州刺史罷州還遇害太昌初贈太尉公子辨位東
雍州刺史

弘農伯楊仲宣順子有風度才學自奉朝請累遷通直散騎侍
郎賜爵弘農子建義初出爲正平太守進爵爲伯還京之日兄
弟與父同遇害辨太昌初贈恒州刺史

開國侯楊津順弟年十一除侍御中散歷遷散騎常侍行定州
事杜洛周圍州城津盡力捍守詔加衛將軍封開國縣侯邑一
千戶後城陷爲賊所執不屈及葛榮吞洛周復爲榮所拘守榮
破始得還洛歷拜司空侍中兼尚書令九州都督并州刺史普
泰元年還京遇害太昌初贈太傅謚曰孝

華陰男楊逸津第二子有當世才度起家員外散騎侍郎以功賜
爵歷遷光州刺史後爲朱仲遠所害太昌初贈豫州刺史謚曰
貞

弘農伯楊謚逸弟辟太尉參軍歷員外散騎常侍以功賜爵在晉
陽爲朱兆所害

華陰侯遵彥謚弟武定中歷吏部士書封 散騎常侍莊帝
初遇害於河陰

弘農簡公楊暉播從祖爲庫門給事稍遷洛州刺史卒追贈子恩河間太守恩子鈞恒州刺史

澄城伯楊寬鈞子自正丞歷遷散騎常侍右光祿大夫澄城縣侯開國伯歷黃門郎隨帝入關

武津公崔暹本清河東武城人世家於滎陽潁川之間性猛酷少仁怨奸猾好利能事勢家初以秀才累遷南兖州刺史被劾免官武川鎮反詔暹爲都督隸李崇討之軍敗逃還禁于廷尉以賄元乂獲免建義初遇害河陰贈司徒公追封武津縣公子瓚位尚書左丞卒子茂嗣祖爵

廣平宣侯游雅廣平任人少好學有高才太武時與高允等俱知名徵拜尚書博士遷著作郎使宋還賜爵廣平子稍遷太子少傅領禁兵進爵爲侯出爲東雍州刺史假梁郡公徵爲秘書監和平二年卒子僧奴嗣卒子雙鳳嗣

蓀縣康侯高讜渤海八允從父也父辰慕容寶黃門郎道武平中山內徙京師卒於內都大官讜從大武滅赫連昌以功拜游擊將軍賜爵南皮子歷遷假散騎常侍進今爵使高麗卒贈冀州刺史假滄水公謚曰康長子祚嗣爲東青州刺史

東光煬侯高祐讜次子博學好文性通放不拘小節初拜中書學生博學士侍郎以祐招下邵郡群賊之功賜爵建康子拜秘書令出爲西兖州刺史假東光侯徵爲光祿卿太和二十三年卒子和璧爲中書博士早卒子顯嗣子爵歷中散大夫征虜將軍卒謚曰惠子德正嗣凡四世

樂城文宣侯高翼勃海蓀人豪俠有風神爲鄉里所畏服孝昌初葛榮之亂魏以翼山東豪右卽家拜勃海太守翼率徒居河濟之間因詔置東冀州以翼爲刺史封及余朱北弒莊帝翼與諸子謀圖討之未集而卒中與初贈太休子乾

新泰靖侯游明根廣平任人祖鯉慕容熙樂浪太守父幼馮跋假廣平太守和龍平明根乃得歸鄉里游雅稱薦之太武擢爲中書學生文成嗣位遷都曹主書賜爵安樂男文成嘉其小心敬慎假負外散騎常侍安樂侯獻文初出爲東兗州刺史改爵新泰侯孝文初入爲給事中後假廣平公與梁郡王嘉南伐還加散騎常侍歷遷大鴻臚卿隨例降侯爲伯表請致仕太和二十三年卒年八十一子肇嗣歷位尚書右僕射宣武初遷侍群官豫在奉迎者員

侍中崔光已下竝加封邑時封肇文安縣開國侯邑八百戶肇獨曰子襲父位今古之常因此獲封何以自處固辭不應論者高之正光元年八月卒年六十九謚曰文貞公子祥嗣新泰伯爵宣武以肇昔辭文安之封復欲封祥祥守其父意卒亦不受又追論肇前議清河守正不屈乃封祥高邑縣開國侯邑七百戶孝昌元年卒謚曰文子皓嗣爲侍御史蚤卒皓弟安居嗣新泰伯爵齊初例

降 凡四世

榮陽文靈侯鄭義榮陽開封人魏將作大匠渾之八世孫也曾祖豁慕容垂太常卿父曄不仕義其第六子也弱冠舉秀才文成末拜中書博士獻文初爲元石參軍定策平淮北遷中書侍郎以擒妖賊田智度功賜爵平昌男孝文初兼負外散騎常侍進爵陽武子文明太

後國詩系 卷四十二 三十一
后爲父立廟於長安以義兼太常卿假榮陽侯還以使功仍賜侯爵
加給事中出爲西兗州刺史假南陽公徵爲秘書監太和十六年卒
長子懿嗣歷位齊州刺史永平三年卒謚曰穆子恭業嗣武定三年
坐與房子遠謀逆伏誅

陽武子鄭伯猷義兄中書博士小白之孫父平城爲平原太守卒
伯猷有文學蚤知名舉司州秀才以射策高第除幽州參軍歷遷
尚書外兵郎以軍功賜爵歷仕武定七年卒

城臯男鄭輯之伯猷幼弟解褐奉朝領侍御史以軍功賜爵歷遷
東濟北太守天平四年卒

平昌公鄭先護義兄連山之孫父思明至直閣將軍卒先護解褐負
外郎轉通直郎余朱榮稱兵向洛靈太后遣先護守河梁先護聞莊
帝已立遂開門納榮以功封平昌縣開國侯邑七百戶歷遷光州都
督以拒元顥功進爵郡公增邑一千三百戶後爲大都督討余朱仲
遠軍敗南甯前廢帝初仲遠遣人招誘出而害之

汝陽男鄭尚義叔父簡之孫尚壯健有將略屢爲統軍東西征討
以軍功賜爵歷濟州刺史卒謚曰惠子貴賓嗣歷尚書金部郎卒
子景裕嗣

開封惠侯鄭穎孝義從兄德玄之子也獻文初德玄自淮南內附
拜榮陽太守穎考太和中復爲榮陽太守卒追贈今爵

安平侯鄭仲明穎孝子爲榮陽太守建義初仲明弟李明遇弟
與謀扶戴仲明之死也且有奉國之意乃追封安平縣開國侯
邑七百戶子孝邕嗣齊初例降

穎川公鄭李明仲明弟釋褐太學博士正光中譙郡太守帶渦陽戍主梁兵攻圍李明以全城功封安德縣開國伯邑七百戶武泰中潛通余朱榮謀之六帝及在河陽遂爲亂兵所害事寧追進今封食邑千五百戶贈司空公子昌嗣爲司徒參軍天休初爵隨例降

平樂康侯張讜清河東武城人六世祖宏晉長秋卿父華爲慕容超左僕射讜仕宋歷泰山太守東徐州刺史及華徐充讜乃歸於尉元元亦表爲東徐州刺史後至京師禮遇亞于薛暉以勳賜爵昌安侯出爲樂陵太守弟敬叔得嗣父爵

新昌男張忠讜兄在南爲合鄉令太武南伐忠歸降賜爵拜新興太守卒

昌國縣宣簡侯王肅琅邪臨沂人晉丞相導之後父奐齊雍州刺史肅仕齊歷秘書丞奐兄弟爲齊武帝所殺肅自建業來奔是歲太和十七年也孝文甚加禮遇自謂玄德之遇孔明也拜輔國長史賜爵開陽伯肅固辭爵許之詔肅討齊義陽頓破齊軍進持節都督豫州刺史又以破齊將裴叔業功封汝南縣子肅固讓不許及裴叔業以壽陽來附肅帥師赴之大破齊師以淮南累捷進今封開府揚州刺史尋爲散騎常侍都督淮南諸軍事景明二年卒子紹嗣位中書侍郎卒子遷嗣齊初例降凡三世

平陸文侯張彞清河東武城人曾祖幸慕容超東牟太守歸魏賜爵平陸侯位青州刺史祖準之嗣爵又爲東青州刺史父靈真早卒彞嗣祖侯爵爲主客令例降爲伯歷遷黃門從孝又南伐以參定遷都

之勳進爵爲侯宣武時歷尚書侍中神龜二年爲羽林諸將所害長子始均同時遇害謚曰孝子嵩之嗣祖爵武定中開府主簿齊初爵例降

永寧穆侯鄺範范陽涿鹿人祖紹慕容寶濮陽太守太武定中山以郡迎降授兗州監軍父嵩天水太守範在大武時給事東宮文成嗣位追錄前朝舊勳賜爵永寧男以治禮郎奉遷太武神主于太廟進爵爲子慕容白曜南征範左司馬數進奇策卒定三齊白曜表爲青州刺史進爵爲侯後除平東將軍假范陽公還朝卒年六十二子道元嗣

魏昌子鄺惲範弟夔之子好學有文才尤長吏幹正光中刺史裴延雋用爲主簿又舉秀才射策高第爲奉朝請歷遷行臺郎每進計於長孫稚多見納用以功賞魏昌縣開國子邑二百戶武泰中尙朱榮稱兵向洛惲不從其命城陷被害

壯武敬侯房法壽清河繹幕人幼孤少好射獵輕率勇果結群小爲劫盜後遇沈文秀崔道固起兵應劉子勛法壽亦與清河太守王玄邈起兵合討道固及子勛死道固等各罷兵而法壽爲魏郡太守慕容白曜之南征也法壽以盤陽歸款詔以法壽爲冀州刺史及歷城梁郡鄒降法壽等俱至京師以法壽爲上客以功賜爵太和中卒子伯祖嗣例降爲伯歷任幽州刺史卒子翼嗣歷從仕中郎

魏昌子房叔祖法壽子以功賜爵歷任郢州刺史

清河子房思安法壽弟法壽之降也以思安爲樂陵太守賜爵西安子孝文南伐徵爲中統軍漢陽旣平改爵清河爲東魏郡太守

卒子敬寶嗣為北征統軍每有戰功早卒子去病嗣

新昌侯宇文福河南洛陽人其先南單于之遠屬世為擁部大人祖活潑仕慕容垂為唐郡內史遼東公道武之平慕容寶活潑入國為第一客福少驍果有膂力太和初拜羽林郎遷建節將軍賜爵新昌侯屢為都將有功後以討高車軍敗被黜景明初起拜南征統軍攻下建安以勳封襄樂縣開國男邑二百戶歷遷征北將軍懷朔鎮將卒謚曰貞惠長子善嗣為平南將軍北征戰沒

清淵文穆侯李冲隴西人敦煌公寶少子也少孤為長兄榮陽太守承所攜訓承常言此兒器量非常方為門戶所寄隨兄至宮獻文末為中書學生孝文初以例遷秘書中散歷南部給事中創立三長之制公私便之轉南部尚書賜爵順陽侯冲為文明太后所幸恩寵日

盛進爵隴西公孝文時冲竭忠奉主明斷慎密孝文深親敬之及改置百官開建五等以冲參定典式封榮陽郡開國侯食邑八百戶遷侍中吏部尚書太子少傅改封陽平孝文南伐以冲兼左僕射留少洛陽及還遷尚書僕射卒年四十九又改今封自邵侯改縣侯贈司空公謚

曰文穆

安樂文侯高閭漁陽雍奴人五世祖原晉上谷太守關中侯祖雅為州別駕父洪為從事中郎閭貴乃贈幽州刺史固安貞子閭早孤少好學崔浩見而奇之真君九年徵拜中書博士和平未遷中書侍郎文明太后臨朝誅乙渾引閭與高允入參大政賜爵安樂子出領東徐州刺史鎮圍城以功進爵為侯歷散騎常侍兼吏部尚書景明三年十月卒于家長子元昌嗣位至遼西太守子欽隨元志討賊為賊

所擒以爲黃門郎死於秦州子穆宗嗣祖爵與中定州開府祭酒
平侯文宣侯崔光清河人祖曠從慕容德渡河居青州之時水慕容
氏滅仕宋爲樂陵太守於河南立冀州置郡縣卽爲東清河鄆人縣
分易更爲南平原貝丘人也父靈延宋長廣太守慕容白曜之平三
齊光年十七隨父徙代家貧好學太和六年拜中書博士歷遷黃門
侍郎甚爲孝文所知以參贊遷都之謀賜爵朝陽子進拜侍中陝西
太使巡方省察又以謀謨之功進爵爲伯宣武時歷中書監太子少
傅宣武殂迎立明帝光有力焉靈太后臨朝更進今封以朝陽伯授
第二子勗熙平二年進位太保四年卒年七十二卒贈太傅謚文宣
長子勵嗣歷太尉長史建義初遇害河陰子挹嗣武定末太尉屬齊
初例降

平原伯崔庠光從弟爲東郡太守元顥之亂庠拒命棄郡走還鄉
里孝莊還宮賜爵歷東徐州刺史爲城民所害子罕嗣齊初例降
朝陽伯崔勗光子武定末爲定州刺史賜爵齊初例降

濮陽明侯夏侯道遷譙國人少有志操年十七逃入益州仕齊以軍
勳隨裴叔業至壽春爲南譙太守與叔業不協遂單騎歸魏拜驍騎
將軍使守合肥尋棄戍南叛梁以爲漢中長史尋斬其戍將楊靈珍
父子送首歸降拜豫州刺史豐縣開國侯道遷引裴叔業公爵爲例
宣武不許道遷自南鄭來朝改封濮陽縣開國侯邑戶如前出爲散
騎常侍瀛州刺史熙平中病卒年六十九謚曰明侯長子央道遷以
其好酒不欲傳授國封及卒子籍嗣祖爵元象中熙大中大夫齊初
例降

河陽忠烈侯李苗梓潼涪人父膺齊太僕卿苗出後叔父略爲梁寧州刺史坐事誅苗年十五有報雪之心延昌中遂歸魏龍驤將軍統軍伐蜀宣武殂班師孝昌中爲西北道行臺討汾絳蜀賊皆平之介朱世隆反苗以冠軍將軍奮擊之浮河而歿贈河陽縣開國侯邑千戶子曇嗣武定末冀州參軍齊初例降

定陶侯鹿念濟陰人父生爲淮陽太守在良吏傳念好兵書陰陽釋氏之學太師彭城王勰召爲館客初爲真定國中尉後爲殿中侍御史監臨淮王彧軍時梁蕭綜據徐州密信通彧云欲歸款彧募人入報驗其虛實念遂請行旣至盟約綜果降念以勳封定陶縣開國子食邑三百百戶又破梁師于鄭城宣武嘉之以爲左將軍黃門侍郎又以前賞念入徐之功未盡增邑二百戶進爵爲侯普泰中歷位將軍右光祿大夫

都昌康侯平恒燕國冀人祖視父儒竝仕慕容爲通宦恒博學多聞安貧樂道徵爲中書博士累遷秘書丞太和十年以恒爲秘書令而恒固請爲郡未授而卒年七十六追贈

上庸侯劉渴侯不知何許人稟性剛烈太和中爲徐州後軍力戰被賊所執不屈死之贈平州刺史追爵

平陽伯堯暄上黨長子人祖僧賴道武平中山與呂舍首同來歸國暄初爲東宮吏文成以其恭謹擢爲中散太和中歷遷南部尚書都督南征諸軍事暄前後從征及出使檢察三十餘州皆有克已奉公之稱賜爵轉大司農卿太和十九年卒于平城長子洪嗣歷任鎮北參軍

樂城縣公堯桀洪子元象中為開府儀同三司封

城平縣公堯雄洪弟榮之子榮為貞外散騎侍郎卒雄元象中為

儀同三司豫州刺史封

征羌縣伯堯難宗雄弟武定中為南岐州刺史封

雲陽懿伯鄭演榮陽人仕宋為琅邪太守屬徐州刺史薛安都內附

演贊成其事獻文初入朝以功除彭城太守洛陽侯後拜太中大夫

賜今爵卒子長猷嗣歷通直散騎常侍永平五年卒謚曰貞侯子廓

嗣卒子元休嗣興和中為睢州刺史齊初例降

曲陽莊伯田益宗光城蠻也世為四山蠻帥受制於齊太和十七年

歸魏拜南司州刺史封光城縣伯食蠻邑一千戶仍於新蔡立東豫

州以益宗為刺史尋改封安昌縣伯延昌中從益宗濟州慮其不受

代遣兵襲之以益宗還授散騎常侍改今封熙平初卒二子魯生魯

賢皆歸於梁少子纂嗣爵位中散大夫卒

汶陽伯孟表濟北地丘人自云本屬北地號索里諸孟青徐內屬後

表因事南渡仕齊為馬頭太守太和十八年表據郡歸魏賜爵譙縣

侯鎮渦陽齊百戶歷齊州刺史改賜今爵延昌四年卒年八十一謚

恭

尋陽成伯趙超宗天水人其先祖融漢光祿大夫六世祖遷為姚萇

尚書左僕射卒於長安劉裕滅姚泓徙遷子孫於建業遷玄孫翼超

宗則翼從子也景明中超宗及翼弟遐等歸降太和末為汝西太守

賜爵徙河東太守卒子懿嗣歷尚書郎

牟平子趙遐超宗弟初為軍主從孝文征南陽景明初為梁城戍

友國記
卷四十二
主被蕭衍將攻圍以固守及戰功封牟平縣開國子食邑三百戶
歷汾州刺史卒謚曰襄子子獻嗣

槐里縣伯崔模博陵安平人父辯爲武邑太守卒謚曰恭模起家奉
朝請歷遷都督安東將軍万侯醜奴遣將赫虎南侵模攻破其營擒
虎以功封邑五百戶後假征東將軍行岐周事未幾擊賊戰沒

漁陽男崔巨倫模兄逸之子逸爲廷尉少卿卒巨倫幼孤及長歷
涉經史以宣武挽郎歷遷東濮陽太守元顥入洛據郡不從莊帝
還宮行西兗州事封漁陽縣開國男邑二百戶三年卒子武嗣齊
初例降

東光伯文貞公郭祚太原晉陽人魏車騎將軍淮弟亮之後也祖逸
本州別駕以女妻崔浩浩用事拜逸徐州刺史假檢次侯父洪之坐
浩事誅祚亡竄得免少而孤貧弱冠爲州主簿孝文初舉秀才對策
上第拜中書博士歷遷黃門侍郎以贊遷洛之規賜爵東光子孝文
南伐以兼侍中從進爵爲伯宣武時歷尚書左僕射領軍于忠矯詔
殺之靈太后臨朝追復伯爵正光中謚文貞公

平舒文定伯邢巒河間鄭人魏太常貞之後也族五世祖嘏石勤頻
徵不至嘏無子巒高祖益自旁宗入後益孫頴以才學知名太武時
與盧玄等徵拜中書侍郎假通直常侍賜爵平城子使宋還病卒謚
曰康子修年卽巒父也位州主簿巒少好學孝文時累遷散騎常侍
兼尚書宣武時拜安西將軍梁秦二州刺史征蜀涪城巴西悉平之
徵授廣支尚書梁兵侵徐兗巒爲安東將軍討兗州進圍宿豫悉平
之以功封白早生之亂巒又爲鎮南將軍討平之遷殿中尚書加撫

軍將軍暴卒子遜嗣位大司農卿卒子祖徵謀反伏法

平城男邢祐巒叔祖少有學尚知名於時假負外散騎常侍使於宋以將命之勤除平原太守賜爵卒子產好學善屬文舉秀才除著作佐郎假常侍鄭縣子歷太子中庶子卒贈樂城子謚曰定

章武縣伯孝穆公盧同范陽涿人盧玄之族孫父輔爲本州別駕同容貌魁偉善于處世太和中起家王國常侍歷都官尚書安州刺史就德興反於營州同持節慰勞大敗而還靈太后以同元叉黨除名莊帝初詔復本秩又以前慰勞功封邑四百戶普泰初除侍中儀同三司永熙初卒贈司空公謚曰孝穆

猗氏伯柳元章河東解人七世祖軌晉廷尉卿從兄崇爲河北太守謚曰穆元章歷相州長史屬刺史元熙起兵欲除元叉元章執之賜爵除正平太守後靈太后反政削除官爵卒於家

宋縣伯尹挺天水冀人仕齊以軍勳至陳郡太守遂與裴叔業參謀歸魏景明初除南司州刺史擬戍義陽封宋縣開國伯食邑八百戶歷東郡太守卒

廣饒縣伯李元護遼東襄平人八世祖胤晉司徒廣陸侯胤子順璠及順子沈皆有名沈孫根慕容寶中書監根子後智等隨慕容德南渡河居青州數世無名位三齊豪門多輕之元護以魏平青州隨父懷慶南奔仕齊歷馬頭太守後爲裴叔業司馬叔業歸魏元護贊同其謀及叔業卒元護固守壽春以俟授軍景明初以爲齊州刺史封食邑一千戶三年卒子會嗣正始中降爵爲子邑五百戶延昌中除給事中齊初例降

乘氏襄侯席法友安定人祖父南奔法友仕齊以軍勲歷新蔡太守
後與裴叔業同謀歸魏景明初拜豫州刺史封苞信縣開國伯食邑
千戶宣武末歷轉濟州刺史徙封乘氏莊帝初拜光祿大夫熙平二
年卒謚襄侯子景通嗣歷鎮軍將軍卒子鷗嗣永安末尚書郎走關
西

慎縣康伯王世弼京兆霸城人宋滅姚弘其祖父從之南遷世弼仕
齊以軍勲至游擊將軍爲軍主助成壽春遂與裴叔業同謀歸魏景
明初除南徐州刺史封食邑七百戶歷平北將軍中山內史正光元
年卒

長子伯李業興上黨長子人祖虬父玄紀並以儒學舉孝廉玄紀卒
于金鄉令業興少耿介志學精力博涉百家尤長算曆後爲王遵業
門客舉孝廉爲校書郎累遷著作佐郎永安三年以造戊子歷功賜
今爵後以出帝登位之功預行禮事封屯留縣開國子食邑五百戶
武定元年歷除國子祭酒出爲太原太守七年卒子遵祖嗣長子
伯爵齊初例降

方城伯王榮世陽平館陶人爲三城戍主方城縣子梁人攻陷其城
不屈死之莊帝褒其忠節進爵爲伯

安平康侯崔鑿博陵安平人父綽少孤學行修明有名於世與盧玄
高允等俱被徵後爲郡功曹而卒鑿頗有文學自中書博士轉侍郎
延興中受詔使齊州觀省風俗行兗州事以功賜爵桐廬縣子出爲
東徐州刺史卒追贈今爵子合嗣歷常山太守卒長子修義嗣爲冀
州征東府長史卒長子放寬嗣齊初例降

安平男崔仲哲鑒孫也父秉為鑒天子歷驍騎大將軍散騎常侍卒贈司徒公謚曰靖穆仲哲生為祖母宋氏所養性恢達常以將略自許辟司徒行參軍為統軍從廣陽王淵北討擊柔玄賊破之賜爵後以救父難戰歿

蒲陰男崔季良仲哲小弟自大學博士從都督李神軌征討有功賜爵歷中軍將軍光祿大夫先秉卒謚曰簡

秦昌景子崔挺博陵安平人六世祖贊魏尚書僕射五世祖洪晉吏部尚書父鬱濮陽太守挺少敦學業舉秀才射策高第拜中書博士轉中書侍郎以工書授勅於長安書文明太后父碑賜爵歷遷光州刺史本州大中正景明四年卒長子孝芬嗣歷西兗州刺史後加儀回三司兼吏部尚書出帝入關高歡至洛孝芬與辛雄等竝誅

涼城侯崔元珍挺從父弟釋褐司徒行參軍武泰初歷遷唐州刺史以破胡勳賜爵余朱榮之趣洛也遣樊子鵠取唐州元珍拒守為子鵠所陷被害

高邑男崔瑜之挺從父弟少孤有學業釋褐奉朝請歷遷南梁太守以迎降有勳賜爵孝昌初除鴻臚少卿三年卒長子孟舒歷除廣平太守卒謚曰康

臨淄男崔敬邕挺從祖弟孝文時自司徒主簿歷遷左中郎將以功賜爵歷征虜將軍大中大夫神龜中卒謚曰恭子盛嗣除奉朝請

貝丘子傅靈越清河人六世祖伯子邁石虎太常祖父融南徙渡河家於磐陽為鄉閭所重融三子靈慶靈根靈越靈慶為齊將蕭斌

軍主軍敗遁匿斌執而殺之靈越靈根奔河北靈越至魏文成見而
奇之拜青州刺史賜爵鎮羊蘭城尋復歸宋爲平原太守戍升城後
舉兵附劉子勛子勛敗靈越被執不屈宋明帝殺之子豎眼入國王
肅見而異之且奇其父節表爲參軍累從征伐歷遷征南將軍

武城子崔思韶清河東武城人魏中尉琰之後吏部尚書亮之弟子
也亮高祖瓊爲慕容垂車騎屬曾祖輯南徙青州因仕宋爲泰山太
守祖修之清河太守父元孫宋青州刺史沈文秀之叛宋明帝使元
孫討之爲文秀所害亮母房攜亮兄弟依其叔祖冀州刺史道固于
歷城及慕容白曜平三齊內徙桑乾爲平齊人亮少貧傭書自業族
兄光言之於李冲冲迎爲館客薦爲中書博士歷遷尚書僕射加散
騎常侍卒謚曰貞烈亮弟敬默奉朝請卒于征虜長史思韶敬默子
也從亮征硤石以輩功賜爵爲冀州別駕

五等男崔士泰亮第三子歷給事司空司馬明帝末荆蠻侵斥以
士泰爲征蠻別將事平以功賜爵建義初遇害于河陰謚曰文肅
子肇師嗣

臨淄子崔道固亮叔祖也其母卑賤嫡母兄攸之目連等輕侮之父
輯謂攸之曰此兒頗識或能興人門戶汝等何以輕之乃資給道固
令其南仕宋孝武時歷冀州刺史鎮歷城宋明帝立徐州刺史薛安
都與道固等立廢帝弟子勛子勛敗乃歸魏獻文帝以爲南冀州刺
史清河公宋明帝遣說道固以爲徐州刺史復歸朱皇興初獻文詔
慕容白曜討道固道固面縛請罪詔恕其使于桑乾立平齊郡以道
固爲太守賜爵尋徙居京城延興中卒子景徽嗣卒于平州刺史謚

曰定子休纂嗣

遂昌子韓秀昌黎人祖宰慕容雋謁者僕射父昞皇始初歸國拜騎都尉秀歷吏任稍遷尚書郎賜爵太和初歷遷內侍長後爲平東將軍青州刺史假漁陽公在州數年卒子務嗣歷任太中大夫左將軍神龜初卒

都昌貞子劉文曄本平原人曾祖昶從慕容德渡河家於北海之都昌縣祖奉伯爲宋北海太守父休廣爲宋幽州刺史鎮梁鄒及慕容白曜攻下歷城休賓乃以城降延興二年卒孝文幸方山文曄面陳父勲固求爵賞孝文賜爵都昌子歷任高陽太守延昌中卒子元嗣歷青州別駕卒

臨潁子劉琰彭城人漢楚元王之後也七世祖訥晉司隸校尉高祖該宋青徐二州刺史曾祖邕宋兗州刺史祖芳以家難北奔入梁鄒城慕容白曜平梁鄒芳北徙爲平齊民後至太常卿卒謚文貞父懌歷大司農卿卒謚曰簡琰天平中走江南武定末歸國賜爵

下邑子劉長文琰從子父元孫爲蘭陵太守卒長文孝文時爲譙郡太守以全城功賜爵遷魯郡太守卒子敬先嗣

襄賁子繆承先蘭陵人薛安都以彭城降承先隨至京師賜爵尋還徐州數十年間了無從宦者宣武末承先子彥植嗣爵

衛國子李彪頓丘衛國人家世寒微彪少孤貧篤學舉孝廉至京師高閭李冲竝稱禮之孝文初爲中書博士後假貞外散騎常侍賜爵使於齊遷秘書丞歷拜通直散騎常侍行汾州事固請不行景明二年秋卒於洛陽謚曰剛憲

夏陽子柳玄達河東南解人頗涉經史仕齊歷諸王參軍與裴叔業姻婭叔業之鎮壽春委以管記及叔業歸魏玄達贊成其計景明初除司徒參軍封南頓縣開國子邑二百戶二年卒後追改今封子絺嗣武定末東太原太守齊初例降

邵陵縣子楊令寶武都人仕齊爲小將至譙郡太守遂參裴叔業歸魏之謀景明初除南兖州刺史擬成淮陰封甯陵縣開國子食邑三百戶在淮南征戰累遷試守京兆內史卒追改今封邑二百戶子彪嗣永熙中征虜將軍齊初例降

睢陽縣子李道真隨裴叔業歸降拜右軍將軍封食邑五百戶

剛陽子胡文盛同前歸降拜右軍將軍封邑三百戶

平春子魏承祖竝同前

山桑子梁祐裴叔業之從姑子也隨叔業征伐景明初拜右軍將軍賜爵歷京兆內史卒

安平縣莊子江悅之濟陽考城人七世祖統晉散騎常侍劉石之亂南徙渡江祖興之父範竝爲宋武所誅悅之少孤仕宋歷諸王參軍齊時歷輔國將軍梁時以軍功進冠軍將軍夏侯道遷以南鄭歸魏梁兵圍城悅之拒走之正始二年與道遷俱至洛陽尋卒追封食邑三百戶子文遙嗣歷安州刺史建義元年卒子昂嗣齊初例降

清水子李建漢中人父興榮爲軍主與龐樹俱從夏侯道遷謀以梁州歸魏後戰沒追封食邑二百戶

撫夷子張元亮漢中人便弓馬善戰鬪以勲封食邑二百戶歷東萊太守加龍驤將軍卒

安城縣子楊大眼武都氏王楊難當之孫也少有膽力然側出不為其宗親顧侍太和中起家奉朝請以軍功用為軍主宣武初裴叔業以壽春附魏大眼與奚康生等率眾先入以功封食邑三百戶歷荊州刺史卒

新豐子崔延伯博陵人祖壽與彭城陷入江南延伯有勇力仕齊為濠口戍主太和中入魏孝文深嘉之常為統帥以功遷荊州刺史賜爵定陵男正光五年別將在揚州建淮橋之勳封富利縣開國男食邑二百戶尋增邑一百戶改封新豐進爵為子為征西將軍與涇賊戰沒謚曰武烈

清河子張烈清河東武城人高祖憺仕慕容焦為尚書僕射曾祖恂散騎常侍隨慕容德南渡因居齊郡之臨淄烈少孤貧涉獵經史有氣槩文成時入官待都歷侍御主文中散累遷順陽太守擊齊將崔意景走之以勳封食邑二百戶歷安北將軍瀛州刺史元象元年卒年七十七子盾未嗣爵而卒

新昌宣子孫紹昌黎人世仕慕容氏祖志入魏卒於濟陽太守父協上黨太守紹少好學有文才初為校書郎稍遷給事中永安中歷拜太府卿以參議正光任子曆賜爵太昌初遷右光祿大夫永熙二年卒子伯元嗣齊初例降

安市靖子甄密中山母極人漢太保甄邯之後侍中贈司徒文穆公之從父弟也太和中奉朝請莊帝末歷遷冠軍將軍時賊帥葛榮侵擾河北詔密為相州行臺援守鄴城莊帝以密全鄴功封食邑三百戶歷遷北徐州刺史興和四年卒

保城子裴景顏河東聞喜人魏冀州刺史徽之九世孫中書令神雋之從子也頗有學尚起家參軍孝莊初行廣漢郡事元顥入洛與刺史鄭先護據州起義事寧賜爵孝靖初遷司空長史坐罪下廷尉死於獄

五原子裴瑗景顏族人太和中析屬河北郡瑗少孤貧而清苦自立太守司馬悅召爲中正歷太原太守屬莊帝殂朱榮初謀赴洛瑗預其事封五原縣開國子邑三百戶孝靜初歷東雍州刺史興和元年卒

易陽子劉藻廣平易陽人六世祖遐從晉元帝南渡父宗之宋廬江太守藻永安中與妹夫李疑俱來歸國賜爵歷征虜將軍戰敗走平州景明初莊帝追錄舊功以藻爲太尉司馬是年六月卒子紹珍嗣歷黎陽太守天平中坐子叛伏法

燕郡康公韓麒麟昌黎棘城人自云漢大司馬增之後父瑚平原太守麒麟好學善騎射爲東曹主書文成嗣位賜爵魯陽男孝文時拜給事黃門侍郎乘傳招慰徐兗叛民除齊州刺史假魏昌侯太和十二年卒恭慎清貧追贈今爵長子興宗以爵讓弟顯宗顯宗不受興宗歷秘書中散卒子子熙弱冠有學識侍中崔光舉爲清河王擇常侍出帝初歷遷領著作郎以奉冊之故封歷城縣開國子食邑五百戶元象中加衛大將軍興和中爲侍講尋卒

本傳曰初子熙父興宗以爵讓弟顯宗不受子熙緣父素懷卒亦不受及顯宗卒子熙別蒙賜爵乃以其先爵讓弟仲穆兄弟友愛如此

及國言系 卷四十二
四六
章武男韓顯宗興宗弟太和初舉秀才對策申科除著作郎歷遷本州中正十一年孝文南伐顯宗爲統軍破齊師於赭陽斬其將遷諮議參軍以上表自矜伐白衣守職二十三年卒景明初追赭陽勳賜爵子武華嗣

曲安憲侯程駿本廣平曲安人六世祖良晉都水使者坐事流於涼州祖父肇呂光民部尚書駿少孤貧好學仕沮渠牧犍爲東宮侍御大武平涼遷于京師爲司徒崔浩所知文成時拜著作郎延興末假散騎常侍賜爵安豐男如高麗逆女遂被留經年乃還拜秘書令太和九年卒年七十二追贈今爵

興平男韋範京兆杜陵人世爲三輔冠族曾祖楷晉長樂太守祖達慕容垂吏部郎父閻少有器望值慕容氏政亂避地於薊城大武徵拜武都太守卒範歷遷試守華山郡文成時賜爵卒子雋大和中嗣爵歷遷都水使者宜武殂雋爲領軍于忠所殺熙平元年謚曰貞長子榮緒嗣位儀同開府戰沒

高密簡侯韋道福閻從叔父熙爲符堅東海太守堅滅奔宋爲秦州刺史道福仕宋歷盱眙太守時徐州刺史薛安都謀欲內附道福參贊其事以功除安遠將軍賜爵因此衍家於彭城卒子欣宗以歸國勳別賜爵杜縣侯歷遷大中大夫卒謚曰簡

霸城懿侯韋珍閻族弟父尚爲從事中郎卒珍少有志操解褐京兆王子尚書常侍轉尚書南部郎孝文初蠻酋桓誕歸欵乃以誕爲東荊州刺史招降餘衆以奉使稱旨除樂陵鎮將賜爵霸城子移鎮北陽破齊將陳顯達以功進爵爲侯歷拜中散大夫鎮遠將軍永平元

年卒年七十四

陰盤男韋或珍第二子解褐奉朝請歷遷東豫州刺史綏懷蠻左頗得其心歷遷幽夏行臺以功封邑二百戶孝昌元年秋卒謚曰文子彪嗣歷本郡州別駕孝莊末戰沒

長安伯韋融彪弟解褐負外散騎侍郎以軍功賜爵稍遷開府司馬

杜縣宣子韋肱或弟少有志業年十八辟州主簿歷遷東徐州刺史加散騎常侍破梁將田麤于石陽崗斬之以功封邑二百戶永安三年卒

貝丘縣男傅永清河人幼隨叔父洪仲與張幸自青州入魏尋復奔宋爲崔道固參軍後與道固俱降入爲平齊民父母竝老戮力傭丐

得以存立晚乃被召兼治禮郎詣長安拜文明太后父廟令賜爵貝丘男歷豫州長史以擊破齊兵功拜汝南太守貝丘縣開國男食邑二百戶歷遷南兗州刺史入爲光祿大夫熙平元年卒年八十三子叔偉蚤亡正光中叔偉子豐生嗣祖爵

雲陵縣男韋伯昕京兆杜陵人裴叔業之歸魏也遣伯昕送子爲質景明初封食邑二百戶歷負外散騎常侍

浚儀男裴智淵爲左中郎將封食邑二百戶汝陰男王昊爲左軍將軍封南汝陰縣男

西末男趙革爲右中郎將封

以上三男俱裴叔業爪牙心膂所寄也從叔業歸國封

襄邑縣男龐景亮南安人父樹與夏侯道遷謀以南鄭歸魏卒宣武

追錄舊勳封景亮今爵食邑二百戶

莫西男士孫天輿扶風人與夏侯道遷謀以南鄭附魏封食邑二百戶拜武功太守

魏昌男陽藻北平無終人漁陽太守陽尼之從父弟也少孤有雅志太和初舉秀才射策高第歷中書博士兼禮官拜文明太后父廟于長安賜爵歷安東長史卒子貞蚤卒貞弟弼子撫嗣祖爵

營陵縣男賈思同齊郡益都人世父元壽文成時中書侍郎兄思伯為侍講中書舍人卒謚文貞思同少厲志好經史釋褐王國侍郎累遷襄州刺史元顥之亂思同不降莊帝還宮封邑二百戶歷拜侍中興和二年卒贈司徒公謚文獻

延陵男李長仁渤海蓀人從祖金大武神麈中與高允被徵位至行

華州事從叔鳳歷國子博士長仁頗有學涉舉秀才射策高第拜中書博士歷彭城太守從尉元討定南陽賜爵歷北海內史卒

蓀縣男李述長仁從弟有學識州舉秀才拜太常博士使詣長安冊祭文明太后父廟還除尚書儀曹郎賜爵稍遷建興太守卒子象嗣歷散騎常侍興和三年卒謚曰文簡

安武縣男奚康生河南洛陽人其先代人也世為部落大人祖直為三都大官賜爵長進侯卒謚曰簡父普憐不仕而卒康生太和中從李堯討擊蠕蠕以勳補中堅將軍授壽春拔采城合肥洛口三代遷南青州刺史封食邑二百戶位撫軍大將軍河南尹為元又所殺靈太后反政贈司空公追封壽長縣開國侯食邑一千戶子難亦遇害子剛嗣祖爵武定中青州主簿齊初例降

安武男李定國剛弟嗣祖先爵

開陽男高潛渤海人曾祖撫晉永嘉中與兄顧避難奔於高麗潛獻文初歸國賜爵居遼東詔以沮渠牧犍女賜潛為妻武威公主拜駙馬都尉卒子崇初沮渠氏坐事誅公主痛本生絕胤遂以崇繼牧犍後改姓沮渠景明中啓復本姓嗣父爵歷洛陽令卒年三十七謚曰戍子謙之嗣歷國子博士為李神軌所陷下獄賜死謚曰康子子儒嗣爵興和初歷殿中侍郎武定六年卒

長平縣男張熠南陽西鄂人十世祖衡漢侍中熠自奉朝請為參軍歷遷冠軍將軍後為別將隨長孫雅西征為關西都督以功封食邑二百戶興和初歷東徐州刺史三年卒贈司空公謚曰懿

棗強縣男孫惠蔚武邑武遂人自言六世祖道恭為晉長秋卿以至

惠蔚世以儒學相傳惠蔚幼而通經有名于冀方太和初郡舉孝廉對策於中書省中書監高閏薦為中書博士歷遷國子祭酒秘書監延昌二年追賞侍講之勞封食邑三百戶莊帝初出為濟州刺史還京除光祿大夫神龜元年卒謚戴子伯禮嗣累遷國子博士卒子產同嗣

井陘男杜纂常山九門人少以清苦自立郡舉孝廉補像州司士從征新野除騎都尉及南陽平以功賜爵正光末累遷常山太守卒晉陽男蘇淑武邑人立性敢謹頗涉經傳兄壽興坐事為閹官壽興後為河間太守賜爵及壽興將卒遂冒養淑為子淑熙平中嗣爵興和二年歷拜中山太守三年卒謚懿子子且嗣

右文成以後至孝明時封爵凡公十五人二追侯十六人伯十四

人其後子二十五人其後男三十四人一公隨父見者公九人侯
二族
 八人伯十人子十二人男十八人



